



**გამოცდის
შეფასება
თითქმის
არ იცვლება**

გვ. 6



**თსუ-ის
ახალი
ბიუჯეტის
პრიორიტეტები**

გვ. 2



**„აღთქმულ
მინაზე“
დაბრუნებულნი
უნივერსიტეტის
პირველ
კორპუსში**

გვ. 5

თსუ-ის სტუდენტთა სტაჟირების პერსპექტივა საზოგადოებრივ მაუწყებელში



თსუ-ის სოციალურ და პოლიტიკურ მეცნიერებათა ფაკულტეტის შურნალისტიკის მიმართულების სტუდენტები საზოგადოებრივ მაუწყებელში სტაჟირებას გაივლიან. თბილისის სახელმწიფო უნივერსიტეტსა და საზოგადოებრივ მაუწყებელს შორის გაფორმებული მემორანდუმის მიხედვით, გააკალაპრიატის VIII სემესტრის 20 საუკეთესო სტუდენტი ტელევიზიაში ერთ თვინა პრაქტიკას სამ ნაკადად გაივლის. სტაჟირება თსუ-ის კურიკულუმის ფარგლებში შედის და მისი დასრულების შემდეგ სტუდენტები 5 სასწავლო კრედიტსაც მიიღებენ.

გვ. 2 გვერდზე

მიხეილ გვარდნითაძე:
ცოტა გული მეთანადრება იმაზე, რომ ქიმიის და საბუნებისმეტყველო საგნებისადმი სიყვარული ცოტა ახალგაზრდას მოჰყვება სკოლიდან. ის თაობა, რომელიც ქიმიის შესასწავლად მოდის უნივერსიტეტში, სამწუხაროდ, მწირი საბაზისო ცოდნითაა შეიარაღებული და ჩვენ სასკოლო ქიმიის სწავლებაში ვკარგავთ დროს. ბაკალავრიატის კურსდამთავრებულნი დღეს აღარ არის იმ დონისა, რაც ადრინდელ დიპლომირებულ სპეციალისტს ჰქონდა, რადგანაც პირველი ორი წელი, სამწუხაროდ, ჩვენ სკოლის ხარვეზების გასწორებას ვუნდებთ.

გვ. 11

უნივერსიტეტის დაარსების დღე აღინიშნა



8 თებერვალს ივანე ჯავახიშვილის სახელობის თბილისის სახელმწიფო უნივერსიტეტის დაარსების 94-ე წლისთავზე და დავით აღმაშენებლის მოსენიების დღეს უნივერსიტეტის ხელმძღვანელობა, პროფესორ-მასწავლებლები და მოწვეული სტუმრები განახლებული პირველი კორპუსის შენობის ფოიეში შეიკრიბნენ, სადაც საზეიმო ღონისძიება გაიმართა.

შურთსია გაროშვილი

დამსრე საზოგადოებას თსუ-ის რექტორმა ალექსანდრე კვიციანიშვილმა მიმართა: „არ შემოძლია ხაზი არ გავუსვა იმ ფაქტს, რომ პირველი კორპუსის რეაბილიტაციის შემდეგ ეს შენობა თავიდან „დაიბადა“ და განახლდა — ეს არის „ახალი სულის ჩაბერვა“ და ეს ყველა გვახარებს. ვისაც როდესმე აქ უსწავლია ან უმუშავია, კარგად ახსოვს, რა მძიმე მდგომარეობაში იყო ეს შენობა, დღეს კი სრულიად განსხვავებული მდგომარეობაა... მომავალ წელს უნივერსიტეტი მას-

შტაბურ და გრანდიოზულ ღონისძიებას გეგმავს, რომელიც ასევე განახლებულ სააქტო დარბაზში გაიმართება. ამასთან, ჩვენ სურვილი გვაქვს, ყველა სტუდენტს, მიუხედავად იმისა, რომელ ფაკულტეტზე სწავლობს, კვირაში ერთი ლექცია მაინც ჩაუტარდეს აქ, რათა უკეთ შეიგრძნოს უნივერსიტეტის ხიბლი. ამიტომ ყველას ვულოცავ დიადი და მშვენიერი შენობის გახსნას“, — მიმართა საზოგადოებას ალექსანდრე კვიციანიშვილმა.

გვ. 3 გვერდზე



**რას ნიშნავს
პრესა ქართული
უნივერსიტეტის
გახსნაზე**

შურთსია გაროშვილი

გაზეთი ერთერთი საუკეთესო მემატრიანია და მისი ფურცლები მრავალ საინტერესო დეტალს ინახავს. დღეს უკვე უამრავი წიგნი, მონოგრაფია, მოგონება არსებობს იმის თაობაზე, თუ როგორ და როდის დაარსდა ქართული უნივერსიტეტი? რა მნიშვნელობა ჰქონდა ამ ფაქტს ქართველი ხალხის ცხოვრებაში? მაგრამ ნაკლებად ცნობილია, როგორ აღიქვას ეს მოვლენა უბრალო ადამიანებმა, სხვადასხვა პოლიტიკურმა და-ჯგუფებებმა და ა.შ. მათი დამო-

გვ. 4 გვერდზე

**სანასაობა
ზოოლოგიურ
მუზეუმში**

გვ. 2

**სტუდენტური
არდაღებები
გამოცდების
ციაგ-ცხელების
შემდეგ**

გვ. 6

**დესპანი
თსუ-დან**

გვ. 7

**მესხების
საქართველოში
რეპატრიაციის
შიდაპოლიტიკური
და საერთაშორისო
კონტაქტები**

გვ. 8

**ახალი
სამეცნიერო
კრებულების
პრეზენტაცია
იურიდიულ
ფაკულტეტზე**

გვ. 10

თსუ-ის ახალი ბიუჯეტის პრიორიტეტები

ივანე ჯავახიშვილის სახელობის თბილისის სახელმწიფო უნივერსიტეტის 2012 წლის ბიუჯეტი უკვე დამტკიცებულია. ბიუჯეტი უნივერსიტეტის სასწავლო და სამეცნიერო მუშაობის პროცესს სრულად უზრუნველყოფს და საშუალებას იძლევა, უფრო მეტი სამეცნიერო პროექტი, სტუდენტური ინიციატივა და საქმიანი ურთიერთობა დაფინანსდეს. რა პრიორიტეტები განისაზღვრა ახალ ბიუჯეტში და რა სფეროების მიხედვით განაწილდა უნივერსიტეტის ბიუჯეტის ხარჯვითი ნაწილი, ამ საკითხებზე გვესაუბრება თსუ-ის საფინანსო დეპარტამენტის უფროსი ირაკლი სალარაქიძე.

მაია ტორაძე

— ბატონო ირაკლი, როდის დამტკიცდა უნივერსიტეტის 2012 წლის ბიუჯეტი და რა პროცედურები გაიარა მან საბოლოო სახის მიღებამდე?

— ივანე ჯავახიშვილის სახელობის თბილისის სახელმწიფო უნივერსიტეტის საბიუჯეტო პროცესი წარმართა საბიუჯეტო კოდექსის მოთხოვნების მკაცრი დაცვით. კერძოდ, 2011 წლის ბოლოს უნივერსიტეტის აკადემიურმა და წარმომადგენლობითმა საბჭომ განიხილეს უნივერსიტეტის 2012 წლის ბიუჯეტი, რომელიც 2012 წლის 25 იანვარს დამტკიცდა საქართველოს განათლებისა და მეცნიერების სამინისტროში გამართულ რეგენტთა საბჭოს სხდომაზე.

— რამდენია უნივერსიტეტის ბიუჯეტი და რა თანხები განსაზღვრულია, მაგალითად, უნივერსიტეტის მატერიალურ-ტექნიკური ბაზის გაუმჯობესებაზე, სამეცნიერო პროექტებზე, სამეცნიერო მივლინებებზე, ფაკულტეტების განვითარებაზე, წიგნების შეძენაზე, სასწავლო ლიტერატურის თარგმნაზე...

— უნივერსიტეტის 2012 წლის ბიუჯეტი, ეროვნული სამეცნიერო ფონდისა და საერთაშორისო გრანტების ჩათვლით, განისაზღვრა 58 360 000 ლარით. მათ შორის, ოფისის ხარჯებში გაწერლია 6 243 000 ლარი, წარმომადგენლობით ხარჯებში 1 182 000 ლარი, მივლინებებში 767 000

ლარი, არაფინანსური აქტივების ზრდის ხარჯებში 1 314 000 ლარი, შენობა-ნაგებობების მიმდინარე რემონტზე 786 000 ლარი და ა.შ.

— რა პრიორიტეტები განისაზღვრა ახალ ბიუჯეტში? რას მიეცა განსაკუთრებული ყურადღება?

— ახალ, 2012 წლის ბიუჯეტში, დიდი ყურადღება მიეცა ისეთი ღონისძიებების დაფინანსებას, როგორცაა სტუდენტური პრაქტიკისა და ექსპედიციის ხარჯები, რაზედაც გათვალისწინებულია 154 000 ლარი; შიდა საუნივერსიტეტო სამეცნიერო პროექტებისა და გრანტების თანადაფინანსების ხარჯებზე გათვალისწინებულია 100 000 ლარი; საუნივერსიტეტო (ბაკალავრიატი, მაგისტრატურა) დაფინანსებაზე — 650 000 ლარი; სტუდენტთა გაცვლით პროგრამებში, სხვადასხვა სამეცნიერო კონფერენციებზე და იმპირებულ პროცესებში მონაწილეობის ხარჯები - 283 000 ლარი, სპორტულ-კულტურულ ღონისძიებებზე — 305 000 ლარი; სესიების, სემინარების, სხვა სამუშაო შეხვედრების ორგანიზების ხარჯები — 114 000 ლარი; გამომცემლობისა და სასტამბო მომსახურების ხარჯი — 209 000 ლარი და ა.შ.

— არის თუ არა ახალი პუნქტი ბიუჯეტში?

— არის ერთი ნიშანდობლივი პუნქტი. კერძოდ, სახელმწიფო ბიუჯეტიდან მიზნობრივად გამოიყო 1 000 000 ლარი, რომელიც მოხმარდება უცხოეთიდან მოწვეული



პროფესორ-მასწავლებლების შრომის, ბინის დაქირავების და მგზავრობის ხარჯების ანაზღაურებას. ასევე, სახელმწიფო ბიუჯეტიდან გამოიყო კალათბურთის ხელშეწყობისათვის 300 000 ლარი.

— როგორც ცნობილია, თებერვლიდან უნივერსიტეტში მომატებული ხელფასები გაიცემა. რა პრიორიტეტების მიხედვით განისაზღვრა ხელფასების მომატება?

— დიას, წლებიდანელი ბიუჯეტის მოცულობიდან გამომდინარე, შესაძლებელი გახდა, უნივერსიტეტის შტაბით განსაზღვრული აკადემიური და ადმინისტრაციული პერსონალის ხელფასების გაზრდა. კერძოდ, ხელფასები მომატებს 10-20 %-ის ფარგლებში, რისთვისაც საერთო ჯამში დამატებით გამოიყო 2 500 000 ლარი.

— საბოლოოდ შეაფასეთ ახალი ბიუჯეტი — რამდენად გაზრდილია და რამდენად შეუწყობს ხელს უნივერსიტეტის წარმატებებს?

— უნივერსიტეტის ბიუჯეტი შესაძლებლობას იძლევა დაფინანსდეს ის ხარჯები, რომლებიც ხმარდება უნივერსიტეტის, როგორც სასწავლო პროცესისა და კულტურულ-სპორტული ღონისძიებების სრულყოფის, ისე მისი მატერიალურ-ტექნიკური ბაზის გამტკიცების საკითხებს. ამ სფეროების სათანადო დაფინანსება კი, ბუნებრივია, ხელს შეუწყობს როგორც სასწავლო, ასევე, სამეცნიერო და კვლევით საქმიანობას, რაც კიდევ უფრო ხელშეწყობს გახდის თბილისის სახელმწიფო უნივერსიტეტის, როგორც წარმატებული უმაღლესი სასწავლებლის, განვითარებას.

სანასაოგა ზოოლოგიურ მუზეუმში



7 თებერვალს ივანე ჯავახიშვილის სახელობის თბილისის სახელმწიფო უნივერსიტეტში განახლებული ზოოლოგიური მუზეუმი გაიხსნა, რომელიც განათლებისა და მეცნიერების მინისტრმა დიმიტრი შაპკინმა და უნივერსიტეტის რექტორმა ალექსანდრე კვიციანიძემ სტუდენტებთან და სკოლის მოსწავლეებთან ერთად დაათვალიერეს.

შურთხია ბაროშვილი

ზოოლოგიური მუზეუმი თბილისის სახელმწიფო უნივერსიტეტში ჯერ კიდევ 1921 წელს საბუნებისმეტყველო ფაკულტეტის დაარსების შემდეგ შეიქმნა, რომელსაც სათავეში ჩაუდგა პროფესორი გიორგი ჯავახიშვილი. მუზეუმს იმთავითვე სასწავლო-სადემონსტრაციო ფუნქცია ჰქონდა. ფონდი მუდმივად ივსებოდა როგორც ფაკულტეტის ექსპედიციების დროს მოპოვებული ექსპონატებით, ისე ცალკეულ მეცნიერთა ნაჩუქარი თუ უნივერსიტეტის მიერ შექმნილი მასალებით. უნივერსიტეტის ახლად ჩამოყალიბებულ მუზეუმს საქართველოს სახელმწიფო მუზეუმმა ბევრი ექსპონატი უსახსოვრა, მათ შორის: ფრინველებისა და ძუძუმწოვრების ფიტულები, მალაკოლოგიური, ექვსფეხურიანი ენტომოლოგიური კოლექცია, რომელიც XX საუკუნის დასაწყისში შეიქმნა კავკასიის მუზეუმში, ასევე, სილამაზით გამორჩეული ტიბეტის ხოხობი — მანალი, რომელიც მენარმისა და მეცენატის დავით სარაჯიშვილის კოლექციიდან არის შემოსული.

1945 წლის 29 სექტემბერს უნივერსი-

ტეტის მაშინდელი რექტორის, აკადემიკოს ნიკო კეცხოველის ბრძანებით, ზოოლოგიური მუზეუმი ბიოლოგიის ფაკულტეტის ცალკე ერთეულად ჩამოყალიბდა და მას სასწავლო-სამეცნიერო სტატუსი მიენიჭა.

1985 წლიდან ზოოლოგიური მუზეუმი უნივერსიტეტის IX კორპუსშია განთავსებული და იგი 350 მ/კვ-ის ფართობის საგამოფენო დარბაზს მოიცავს.

2005 წლიდან ზოოლოგიური მუზეუმი უნივერსიტეტის მუზეუმის შემადგენლობაშია. დარბაზში, სადაც 5000-ზე მეტი ექსპონატია დაცული, წარმოდგენილია უნიკალური მარჯნის პოლიპები, რომლებიც ინდოეთისა და წყნარ ოკეანეშია მოპოვებული. მარჯანი ცოცხალი ორგანიზმია, იგი უხერხემლო ცხოველთა ჯგუფს მიეკუთვნება, მას კიროვანი სტრუქტურა აქვს. მუზეუმში ინახება ცისფერი, თეთრი, ყვითელი, იასამნისფერი და ნივთილი მარჯანი, რომელსაც კეთილშობილ მარჯანს უწოდებენ. მუზეუმში გვხვდება, როგორც საქართველოს, ისე ტროპიკული ქვეყნების პეპლებისა და ხოჭოების სახეობები.

მე-5 გვირგვინი

თსუ-ის სტუდენტთა სტაჟირების პერსპექტივა საზოგადოებრივ მაუწყებელში

პირველი გვერდიდან

ნატო ოპოლაძე

„ჩვენ სასწავლო გეგმაში პრაქტიკული კომპონენტი გავაძლიერეთ. ბაკალავრიატის VIII სემესტრის საუკეთესო სტუდენტებს ვთავაზობთ სტაჟირებას საზოგადოებრივ მაუწყებელში. სტუდენტების პრაქტიკულ მუშაობას მეთვალყურეობას გაუწევს ჩვენი მიმართულების ერთერთი პროფესორი, რომელსაც ისინი ტელევიზიაში მუშაობის ყოველთვიურ ანგარიშს წარმოუდგენენ. ეს მათთვის საუკეთესო შესაძლებლობაა, რომ პროფესიონალურად ჩამოყალიბდნენ. რაც თმავარია, არც სტუდენტებს და არც თბილისის სახელმწიფო უნივერსიტეტს საფასურის გადახდა არ უწევს, რისთვისაც საზოგადოებრივ მაუწყებელს დიდი მადლობა მინდა გადავუხადო. იმ სტუდენტებს კი, რომლებიც ტელევიზიაში პრაქტიკებზე ვერ მოხვდებიან, შეეძლება 3-კრედიტიანი საგნის ფარგლებში უნივერსიტეტის ბაზაზე გაიარონ სტაჟირება, მოამზადონ სიუჟეტები, გადაცემები“, — გვითხრა თსუ-ის სოციალურ და პოლიტიკურ მეცნიერებათა ფაკულტეტის უფროსი ნატო ოპოლაძის მიმართულების ხელმძღვანელმა მარიამ გერსამიამ.

თბილისის სახელმწიფო უნივერსიტეტსა და საქართველოს საზოგადოებრივ მაუწყებელს შორის ურთიერთთანამშრომლობის შემორანდუმი 16 თებერვალს გაფორმდა. მას ხელი მოაწერეს თსუ-ის რექტორმა ალექსანდრე კვიციანიძემ და საზოგადოებრივი მაუწყებლის გენერალურმა დირექტორმა გიორგი ჭანტურიამ.

„თბილისის სახელმწიფო უნივერსიტეტს არ გააჩნია იმ რაოდენობის ტექნიკური რესურსი, რომ უფროსი სტადიის მიმართულების

ყველა სტუდენტმა პრაქტიკული სამუშაოები გაიაროს. ამიტომ ურთიერთთანამშრომლობის შემორანდუმის გაფორმება საზოგადოებრივი მაუწყებლის მხრიდან ჩვენთვის დიდი დახმარებაა. ეს ტელევიზია საკმაოდ ძლიერი ორგანიზაციაა, აქ სტუდენტები კარგ გამოცდილებას მიიღებენ. იმედი მაქვს, რომ ეს პროექტი როგორც ჩვენთვის, ასევე საზოგადოებრივი მაუწყებლისთვისაც წარმატებული იქნება“, — აღნიშნა თსუ-ის რექტორმა ალექსანდრე კვიციანიძემ.

თბილისის სახელმწიფო უნივერსიტეტსა და საქართველოს საზოგადოებრივ მაუწყებელს შორის გაფორმებული შემორანდუმის მნიშვნელობაზე ისაუბრა გიორგი ჭანტურიამაც.

„შემორანდუმის გაფორმების ინიციატივა თსუ-ის ადმინისტრაციას ეკუთვნის. ვფიქრობ, ეს მნიშვნელოვანი გადაწყვეტილებაა, რადგან პრაქტიკული გამოცდილების მიღების გარეშე შეუძლებელია უფროსი სტადიის სიონალ კადრად ჩამოყალიბდეს. თბილისის სახელმწიფო უნივერსიტეტს შეუძლია სტუდენტებს საკმაოდ დიდი თეორიული ცოდნა მისცეს, ჩვენ კი მათ პრაქტიკული უნარ-ჩვევების გამომუშავებაში დავეხმარებით. ეს პროექტი ძალიან მნიშვნელოვანია საქართველოში მედიის განვითარების თვალსაზრისით და საინტერესოა იმ მხრივაც, რომ გავიცნობთ ახალ სახეებს, რომლებიც, შესაძლოა, მომავალში ჩვენი თანამშრომლები გახდნენ“, — განაცხადა საქართველოს საზოგადოებრივი მაუწყებლის გენერალურმა დირექტორმა გიორგი ჭანტურიამ.

საქართველოს საზოგადოებრივ მაუწყებელსა და თბილისის სახელმწიფო უნივერსიტეტს შორის გაფორმებული თანამშრომლობის შემორანდუმი 2012 წლის საგაზაფხულო სემესტრიდან ამოქმედდება.



უნივერსიტეტის დაარსების დღე აღინიშნა

პირველი გვერდიდან

უნივერსიტეტის იუბილე პროფესორ-მასწავლებლებსა და მონაწილე სტუმრებს საქართველოს მეცნიერებათა ეროვნული აკადემიის პრეზიდენტმა თამაზ გამყრელიძემაც მიულოცა: „დღევანდელ დღეს ჩვენ ასევე შეგვიძლია განახლებული შენობის პრეზენტაცია ვუწოდოთ. ყველასათვის ცნობილია, თუ რას წარმოადგენს თითოეული ჩვენგანისთვის თბილისის სახელმწიფო უნივერსიტეტი. კიდევ ერთხელ აღვნიშნავ, რომ ეს იყო პირველი არარუსულენოვანი უნივერსიტეტი მთელ რუსეთის იმპერიაში და შემთხვევითი არ არის, რომ მისი გახსნა ივანე ჯავახიშვილმა დავით აღმაშენებლის ხსენების დღეს დაამთხვია. ამიტომ ეს თარიღი დღესაც იმას გულისხმობს, რომ პირველი ქართული უნივერსიტეტი მემკვიდრეა დავით აღმაშენებლის მიერ დაარსებული გელათის აკადემიისა, რომელიც „მეორე ათინად“ და „სხვა იერუსალიმად“ იწოდებოდა. შემთხვევითი არც ის გახლავთ, რომ სწორედ



ამ უნივერსიტეტის პროფესორების თაოსნობით დაარსდა ქართული ეროვნული აკადემია, რომელიც სამართლიანად ითვლება ამ უნივერსიტეტის მემკვიდრედ“, — აღნიშნა თამაზ გამყრელიძემ.

საზოგადოებას განათლებისა და მეცნიერების მინისტრის მოადგილემ ნოდარ სურგულაძემაც მიმართა. „დღევანდელი დღე იმითაც არის გამორჩეული, რომ იუბილეს განახლებულ გარემოში ვხვდებით. უნივერსიტეტი ასეთი ლამაზი და მშვენიერი დიდი ხანია აღარ ყოფილა, განათლებისა და მეცნიერების სამინისტროს ეგიდით მომავალში აქ კვლავაც მრავალი ღონისძიება გაიმართება. თბილისის სახელმწიფო უნივერსიტეტი კვლავაც დარჩება განათლებისა და მეცნიერების განვითარების ფლაგმანად, ამიტომ უნივერსიტეტის ავტორიტეტის შესანარჩუნებლად და დასაცავად თითოეულმა ჩვენგანმა ყოველდღიურად უნდა იღვანოს“, — განაცხადა ნოდარ სურგულაძემ.

ლონისძიება სამგანზომილებიანი (3D) ფილმის ჩვენებით დასრულდა, რომელიც უნივერსიტეტის პირველი კორპუსის ისტორიას ასახავდა.

ამავე დღეს უნივერსიტეტის ბაღში მდებარე დავით აღმაშენებლის სახელობის ეკლესიაში უწმიდესმა და უნეტარესმა, საქართველოს კათოლიკოს-პატრიარქმა ილია მეორემ წმიდა მეფის სახელზე პარაკლისი გადაიხადა და მრევლი დალოცა.

შრომების კრებული პრეზენტაცია

„დავით აღმაშენებელი და მისი ეპოქა“

თბილისის სახელმწიფო უნივერსიტეტის საიუბილეო ღონისძიებაზე თსუ-ის ჰუმანიტარულ მეცნიერებათა ფაკულტეტის ისტორიის ინსტიტუტის მიერ გამოცემული შრომების კრებულის — „დავით აღმაშენებელი და მისი ეპოქა“ პრეზენტაცია მოეწყო, რომელიც ამ ფაკულტეტის დეკანმა, პროფესორმა დარეჯან თვალთვაქმა წარმოადგინა.

„დავით აღმაშენებელი გამორჩეული ფიგურაა საქართველოს ისტორიაში. მისი მმართველობა არა მხოლოდ სამხედრო წარმატებებსა და ქვეყნის პოლიტიკით, არამედ ასოცირდება კულტურულ-საგანმანათლებლო ნოვაციებთანაც. დავით აღმაშენებელს, როგორც განსწავლულ ადამიანს, კარგად ესმოდა განათლების მნიშვნელობა ქვეყნის შემდგომი განვითარების საქმეში. ამიტომ მეფემ საჭიროდ ჩათვალა საქართველოში დაეარსებინა ისეთი საგანმანათლებლო კერები, რომლებიც იმდროინდელ მსოფლიოს წამყვან სასწავლებლებს გაუტოლდებოდა. ერთერთ ასეთ ცენტრად გელათი იქცა, რომელიც ქართულ ცნობიერებაში მეორე იერუსალიმად მოიაზრებოდა.

უკვე ტრადიციად იქცა 8 თებერვალს უნივერსიტეტის დაარსების დღის აღნიშვნა. სწორედ ამ დღესთან დაკავშირებით ივანე ჯავახიშვილის თბილისის სახელმწიფო უნივერსიტეტის ჰუმანიტარულ მეცნიერებათა ფაკულტეტმა, რომელიც 1918 წელს დაარსებული უნივერსიტეტის პირველი ფაკულტეტის — სიბრძნისმეტყველების ფაკულტეტის მემკვიდრეა, მოამზადა სპეციალური სამეცნიერო შრომების კრებული „დავით აღმაშენებელი და მისი ეპოქა“.

ეს გამოცემა სპეციალური ხასიათისაა და მასში გაერთიანებულია დიდი ქართველი მეფის მოღვაწეობისა და მის ეპოქასთან დაკავშირებული შრომები. ვიმედოვნებთ,

რომ კრებული ჩვენი დიდი წინაპრის ღვაწლს ღირსეულად და მეცნიერული ობიექტურობით წარმოაჩენს“, — აღნიშნა დარეჯან თვალთვაქმა.


საქართველოს ისტორიის ინსტიტუტის მიერ მომზადებულ ნაშრომში შესულია თსუ-ის პროფესორების ნაშრომები, რომლებიც დავით აღმაშენებლის ეპოქას და მის მოღვაწეობას ეხება.

მაგალითად, ქართველ მკვლევართა შორის დღემდე სადაო საკითხად რჩება — როდის ავიდა სამეფო ტახტზე დავით აღმაშენებელი. პროფესორ ჯაბა სამუშიას ნაშრომი სწორედ ამ საკითხს შეეხება. მეცნიერის ინფორმაციით, მკვლევართა ერთი ნაწილი მიიჩნევს, რომ დავითი ხელისუფლებაში სახელმწიფო გადატრიალების გზით მოვიდა, მეორე ნაწილი აზრით კი, 1089 წელს არავითარი გადატრიალება არ მომხდარა და გიორგი II-მ თავისი ვაჟი თანამოსაყდრედ დააყენა. პროფესორი სტატიაში მეფობის ორი სტატუსის — „თანამეფობაზე“ და „თანამოსაყდრეობაზე“ ამახვილებს ყურადღებას და აღნიშნავს, რომ ამ ორი სტატუსის ერთმანეთში არევა გაუმართლებელია. ჯაბა სამუშია ისტორიულ დოკუმენტებზე დაყრდნობით მსჯელობს და გამოთქვამს ვარაუდს, რომ 1089 წლამდე დავითი თანამოსაყდრედ ითვლებოდა, შემდეგ კი გიორგი II-მ თანამეფედ აკურთხა — „ჩვენი აზრით, ინაუგურაცია ჩატარდებოდა იმავე წესით, როგორც სრულდებოდა მეფედ კურთხევა, ოღონდ ერთი გამონაკლისით, ვინაიდან მეფე — მამა ცოცხალი იყო და მისი მონაწილეობა აუცილებლად უნდა დაფიქსირებულიყო ცერემონიალის დროს, სწორედ ამიტომ, გვირგვინი მომავალ თანამეფეს კათოლიკოსმა კი არ დააფარა, არამედ, გიორგი II-მ“, — გამოთქვამს თავის ვარაუდს მეცნიერი.

დავით აღმაშენებლის ეპოქის ეპიგრაფიკულ ძეგლებზე საუბრობს თავის ნაშრომში პროფესორი გიორგი ოთხმეზური. ამ ძეგლების გაცნობა მნიშვნელოვან ცნობებს გვანდის დავითის პოლიტიკური, აღმშენებლობითი თუ კულტურული ღონისძიებების შესახებ; ასევე აზუსტებს თანამოსაყდრეობისა და ხელმეორედ მეფედ კურთხევის საკითხებს, საკუთრივ, დავითის სრულდებას — „დიდი“, „აღმაშენებელი“; წარმოაჩენს მის პიროვნულ თვისებებს და სხვა. მეცნიერის ინფორმაციით, წარწერათა ნაწილი დათარიღებულია, ნაწილი კი თარიღდება ვინორქრონოლოგიური ჩარჩოებით, რაც მეტად ღირებულია პალეოგრაფიული თვალსაზრისით.

დავით აღმაშენებლის ხელისუფლების ცენტრალიზაციის ერთერთ ასპექტს განიხილავს თავიანთ ნაშრომში პროფესორები: ანდრო გოგოლაძე და მედეა გოგოლაძე. მკვლევართა ინფორმაციით, დავითმა თავისი მეფობის დროს საქართველოს კანცლერის, მნიგნობართუხუცესის თანამდებობას შეუერთა ორი დიდი საეპისკოპო სახელი: აღმოსავლეთ საქართველოში — ალავერდი და დასავლეთ საქართველოში — ბედიელი. დავითის ეს გადაწყვეტილება ხელისუფლების ცენტრალიზაციის და ქვეყნის გაერთიანების მიზნით იყო განპირობებული. მას სურდა სამეფო ხელისუფლების საზღვრების გაფართოება, რადგან მნიგნობართუხუცესი — ეპისკოპოსი მეფის სანქციით განაგებდა და კონტროლს გაუწევდა ქვეყნის როგორც პოლიტიკურ, ისე იდეოლოგიურ ცხოვრებას. მკვლევარები თავიანთ ნაშრომში ამ საკითხს ვრცლად და საფუძვლიანად განიხილეს.

დავით მეფის მოღვაწეობის შემფასებელი მისივე ბიოგრაფი და „დავითის ისტორიკოსად“ წოდებული „ანონიმი ავტორი“ იყო. პროფესორ დიმიტრი შველიძის ნაშრომი სწორედ ამ ისტორიკოსის მოღვაწეობაზე მოგვითხრობს. „იგი იყო პირველი მათ შორი-



საც, ვინც სცადა დავითის პიროვნება, მისი მხედართმთავრული ღირსებები და სახელმწიფოებრივი მოღვაწეობა უდიდეს და უცნობილეს მსოფლიო ღონის პიროვნებებზე მაღლა დაეყენებინა. ვინ არიან ისინი? — ტროას ომის გმირები: აგამემნონი და პრიამოსი, აქილევსი და ჰექტორი, ოდისევსი და ორესტე. ისტორიკოსის აზრით, მათ ისეთი არაფერი გაუკეთებიათ, რამდენადაც მათი სახელები იყო ცნობილი“, — წერს დიმიტრი შველიძე.

მეცნიერის ინფორმაციით, „ანონიმი ავტორი“ მარტოოდენ განცხადებებით არ კმაყოფილდება და საკუთარი ცხედრობის მოსაზრებების დასაბუთებასაც ცდილობს. მემატინეს მტკიცებით, ვერც რომელიმე პერატორების — ვესპასიანისა და ტიტუსის მიერ აჯანყებული იუდეველების წინააღმდეგ ბრძოლა შეედრებოდა აღმაშენებლის ძლევამოსილ ბრძოლებს.

დიმიტრი შველიძის ინფორმაციით, დავითის ისტორიკოსის შედარების მთავარი სამიზნე მაინც ალექსანდრე მაკედონელია. მართალია იგი საღად აფასებს მაკედონელის ღირსებასა და ტალანტს, მაგრამ მიიჩნევს, რომ დავითი მას არაფრით ჩამოუვარდებოდა — „არცა საქმითა, არცა განზრახვითა, არცა სიმხნითა უმცირე... თვით მათ საქმეთა შინა, რომელთა მძლერე იქნა ალექსანდრე, არა უმდაბლე, არამედ მრავლითა უმაღლეს მგონიეს ესე“, — წერს მემატინა.

მეცნიერის აზრით, ასეთ შედარებას შემთხვევით არ აკეთებს დავითის ისტორიკოსი, მიუხედავად იმისა, რომ მან კარგად იცის ალექსანდრე მაკედონელის შესაძლებლობები: „ნიკოფსიდან დარუბანდამდე გადაჭიმული საქართველოს სამეფო მანძიკ ვერ შეედრებოდა მაკედონიდან ინდოეთ-ეგვიპტემდე გადაჭიმულ ალექსანდრეს იმპერიას, მაგრამ XII საუკუნის ქართველი ისტორიკოსი იხტიბარს არ იტყვს და გვარწმუნებს, რომ იმ სამხედრო ძალით, რომელიც დავითს გააჩნდა, ვერც ალექსანდრე მიაღწევდა ვერაფერს, პირიქით, დავითს რომ ბერძენ-რომაელთა ან სხვა დიდი სახელმწიფოს შესაბამისი სამხედრო ძალები ჰყოლოდა, „მაშინაცავე განახეს ნაქმარნი მისნი“.

დიმიტრი შველიძის აზრით, დავითის ისტორიკოსს სრულად სამართლიანი პრეტენზია ჰქონდა, თავისი მეფე შეედარებინა მსოფლიო ისტორიის ხმაურიანი სახელებისთვის და მისი ამბიციის საფუძველს მოკლებული არ იყო, როდესაც თამამად წერდა: „ვერავინ ძველითა და ახალთაგან მეფეთა ემსგავსაო“.

საქართველოს ისტორიის შრომების სპეციალურ გამოცემაში მკითხველი ასევე გაეცნობა თსუ-ის პროფესორების ნაშრომებს: მიხეილ ბახტაძის — „ერისთავობის საკითხი დავით IV აღმაშენებლის ცენტრალისტურ პოლიტიკაში“; მზექალა შანიძის — „დაჰმანი“; თედო ღუნდუას — „გაბრასები და მათი სამონეტო ემისიები, თეოდორე გაბრასი და დავით აღმაშენებელი“; ვახტანგ ლიჩელის — „შუა საუკუნეების არქეოლოგიური მასალა აწყურიდან“; ალექსანდრე ბოშიშვილის — „ლორე. ისტორია და თანამედროვე მდგომარეობა“; ნიკო ჯავახიშვილის — „მეფე დავით IV აღმაშენებლის ასახვა ქართულ სახელმწიფო და სამხედრო სიმბოლიკაში, (XVIII – XX საუკუნეები)“ და მიხეილ ქართველიშვილის — „დავით აღმაშენებელი ქართულ მეცნიერებაში“. ბიბლიოგრაფია. მეცნიერთა შრომები დავით აღმაშენებლის ეპოქის სხვადასხვა მნიშვნელოვან ფაქტებსა და მოვლენებს ასახავს.



მისალოცი სიტყვა

მრჩველთა საბჭოს სახელით მოგილოცავთ უნივერსიტეტის პირველი კორპუსის, თეთრი ტაძრის ხელმეორედ დაბადების დღეს. ალბათ სიმბოლურია, რომ უნივერსიტეტის ხელმძღვანელობამ, რექტორის ინიციატივით, ამ შესანიშნავი ტაძრის აღორძინების ცერემონიალი მეფე დავით აღმაშენებლის მოსახსენიებელ დღეს დაამთხვია. სასიხარულოა, რომ ხუროთმოძღვარ სიმონ კლდიაშვილისა და ნიკოლოზ ცხვედაძის რენესანსული არქიტექტურა პირველ სახეს დაუბრუნდა. არა თუ დაუბრუნდა, არამედ ის გადაურჩა ნგრევას, უნივერსიტეტის პირველი კორპუსი კიდევ რამდენიმე საუკუნის განმავლობაში ამაყად იდგება განათლებისა და ქართული მეცნიერების სამსახურში.

არ შეიძლება ჩვენი მადლიერება არ გამოვხატოთ არქიტექტორებისა და მშენებლების მიმართ, რომელთაც წარმატებით დაასრულეს ეს გრანდიოზული სარეაბილიტაციო სამუშაოები.

პირველი კორპუსის რეაბილიტაცია დიდი საჩუქარია ჩვენი სტუდენტობისათვის. მათ საშუალება ექნებათ ნათელ აუდიტორიებში მოისმინონ ჩვენი პროფესორ-მასწავლებლების ფუნდამენტური ლექციები, აუდიტორიებში, რომელთაც ამშვენებს უნივერსიტეტის დამფუძნებელთა გვარები. ეს დიდი ისტორიაა.

დავითავალიერე განახლებული კორპუსი და, სიმართლე გითხრათ, პირველად შევიგრძენი მისი სიდიადე და არაჩვეულებრივი დამამშვიდებელი აურა. ალბათ, ეს იმიტომ იყო განპირობებული, რომ არქიტექტორებისა და მშენებლების მონაწილეობით სისტემატურად იხილებოდა კორპუსის განახლების პროექტის დეტალები აკადემიური საბჭოსა და მრჩველთა საბჭოს დონეზე რექტორის დამფუძნებლობით, განხილვისას იყო გარკვეული წინააღმდეგობებიც, რა თქმა უნდა, კეთილი სურვილებით, რამაც კონსენსუსის საფუძველზე განსაზღვრა შენობის პირველადი სახით სრული აღდგენა. გაჩნდა ახალი კონსტრუქციებიც, რომლებიც უახლესი ტექნოლოგიებით შესანიშნავად შეერწყა თანამედროვე ინტერიერს.

დღეს დიდი გამარჯვების დღეა, გილოცავთ გამარჯვებას, ასე გამარჯვებული გვევლოს სულ, ღმერთი იყოს ჩვენი მფარველი.

ნუზარ ალქასიძე,
პროფესორი, მრჩველთა საბჭოს
თავმჯდომარე, ეროვნული
აკადემიის წევრი



რას ნერდა პრესა ქართული უნივერსიტეტის გახსნაზე

პირველი გვერდიდან

კიდებულება ყველაზე კარგად იმდროინდელი პრესის ფურცლებზე შემოგვინახა. სიმბოლურია, რომ ამის შესწავლა და ფაქტების თავმოყრა თბილისის სახელმწიფო უნივერსიტეტის სტუდენტებმა ითავეს და პროფესორ მალხაზ მაცაბერიძის თაოსნობით მოპოვებული მასალები წიგნად აკინძეს.

წიგნის — „ქართული უნივერსიტეტის გახსნა“ პრეზენტაცია უნივერსიტეტის დაარსების 94-ე წლისთავზე, 8 თებერვალს, განახლებული პირველი კორპუსის შენობაში გაიმართა, სადაც მალხაზ მაცაბერიძემ და სტუდენტებმა კრებულის მნიშვნელობა ისაუბრეს.

„როდესაც უნივერსიტეტი დაარსდა, მაშინდელი ქართული პრესა ამ ფაქტს პირველი გამოცხადებულა, თითქმის ყველა გაზეთში დაიბეჭდა ინფორმაცია და შეფასებები. ჩვენ მიერ შედგენილ ბროშურაში სწორედ იმდროინდელი პრესის ფურცლებზე გამოქვეყნებული პუბლიკაციებია თავმოყრილი. სტუდენტების ძალისხმევით და მონაწილეობით შეიქმნა საშუალო ჯგუფი, რომლებმაც საკმაოდ შრომატევადი სამუშაო გასწიეს და თავი მოუყარეს მასინდელ პრესაში გამოქვეყნებულ მასალებს. მუშაობის პროცესში პრობლემებსაც გადავწყვიტეთ — აღმოჩნდა, რომ იმ პერიოდის ქართული პრესა, რომელიც საქართველოს ეროვნულ ციბლიოთეკაში ინახება, უაღრესად ცუდ მდგომარეობაშია. გაზეთების დიდი ნაწილი განადგურებული და დაზიანებულია. შესაბამისად, ყველაფრის ასახვა შეუძლებელი გახდა. თუმცა, იმედი გვაქვს, რომ სხვა ბიბლიოთეკებშიც მოგვახაზოთ იმდროინდელ გაზეთებს და მომავალში უფრო მეტ მასალებს მოვიძიებთ.“ — აღნიშნა მალხაზ მაცაბერიძემ.

როგორც პრეზენტაციაზე აღინიშნა, სტუდენტებმა ვალდებულება აიღეს, რომ კრებულზე მუშაობა გაგრძელდება და ახალ გამოცემას სრულყოფილი სახით მკითხველი ივანე ჯავახიშვილის დაბადების დღეს მიიღებს. მალხაზ მაცაბერიძის აზრით, ასევე საჭიროა იმდროინდელი რუსულენოვანი პრესის გაცნობა და ფოტო-მასალის მოძიება.

„მუშაობის პერიოდში შეკითხვაც გაგვიჩნდა: ნუთუ არც ერთი ფოტო არ არსებობს, რომელიც ამ დღის მოვლენას ასახავს? და თუ ასეთი ფოტო არსებობს, რატომ არ არის ჩვენთვის ცნობილი? შესაძლოა არსებობდა და განადგურდა... ამ კითხვებზე პასუხია გასაცემი. ასევე საინტერესოა რუსულენოვან-

ნი პრესის გაცნობაც. საზოგადოების გარკვეული ჯგუფი სკეპტიკურად უყურებდა უნივერსიტეტის დაარსებას და წინააღმდეგნიც კი იყვნენ, რომ საქართველოში ქართული უმაღლესი სასწავლებელი შექმნილიყო. ამ თემაზე საშუალო კვლავ ბევრია და იმედი, სტუდენტებთან ერთად შევძლებთ ამ საშვილიშვილო საქმის ბოლომდე მიყვანას“, — განაცხადა მალხაზ მაცაბერიძემ.

1918 წლის ქართული პრესის ფურცლებზე გამოქვეყნებულ მასალებში მართლაც კარგად ჩანს ის სულიკვეთება, რაც იმდროინდელ საზოგადოებას ჰქონდა უნივერსიტეტის დაარსებასთან დაკავშირებით. მაგალითად, გაზეთის „ხალხის მეგობარი“ 1918 წლის 18 იანვრის ნომერში გამოქვეყნდა გრიგოლ გველესიანის ვრცელი სტატია, სადაც ავტორი წერს: „ადვილი სათქმელია „ქართული უნივერსიტეტი!“ — ეს ხომ ჩვენი ოცნებაა და სანეტარო ზრახვაა შორის პირველთაგანი იყო! ერის კულტურული ზრდა-განვითარების უეჭველი არგუმენტია. ეს ხომ, თუ გნებავთ, თვით ჩვენი ქვეყნის პოლიტიკური თავისუფლების ერთგული მცველია! ეს ხომ იმის მაჩვენებელია, რომ კულტურის შემდეგ საფეხურზე შევდგით ფეხი, სადაც ჩვენი ეროვნულ-კულტურული მეობა მტკიცე ნიდაგზე მყარდება. ეს ხომ იმის მაჩვენებელია, რომ ქართველ ერს მისი კუთვნილი უზენაესი უფლება კვლავ დაბრუნებია და თავისი სვე-ბედის პატრონი თავადვე გამხდარა. მეცნიერების ტაძარი! — ქართული, პირველი, თავისუფალი, საქართველოს დედაქალაქში! რამდენს რას ეუბნება ეს სიტყვა ბედ-შავი ქართველი ადამიანის გულს მის მწარე წარსულით წარკვეთილ სულს, რომელიც მონობის მაგარ საღებებში თითქოს სასიკვდილოდ იყო დაჭრილი.“

საზოგადოების დამოკიდებულება კარგად ჩანს სამსონ დადიანის პუბლიკაციაშიც, რომელიც გაზეთ „სახალხო საქმის“ ფურცლებზე დაიბეჭდა: „ჩვენში ზოგიერთი უფიცოა წყალობით ის აზრია გავრცელებული, ვითომ საქართველო მეცხრამეტე საუკუნეში რუსეთის მეოხებით დაადაგანათლებლის კულტურის გზას. ეს აზრი რომ სრულიად არ შეესაბამება სიმართლეს, იქიდანაც ჩანს, რომ ძველს რუსეთს, რუსეთის მტარვალ მთავრობას, რომელსაც არ გააჩნდა სახელმწიფოებრიობა და რომელმაც წლების განმავლობაში ველური ტყვეობიდან ვერ მოახერხა თვითონ რუსეთის გამოყვანა, რა შეიძლებოდა მიეცა სხვებისთვის. საქართველოში რუსეთის შემოსე-



ლით და დამკვიდრებით საქართველო ასცდა იმ გზას, რომელიც მას უკვე არჩეული ჰქონდა და რომელიც მიმართული იყო ევროპისაკენ. ფრიად საგულისხმო და დამახასიათებელია, რომ ამ რევოლუციური ნგრევის დროს, როდესაც ჯერ ოდნავადაც არ შემაგრებულა ფუძე ახალი ცხოვრებისა, საქართველოში იხსნება ტაძარი მეცნიერებისა, საქართველოში იკრებება ქართველ მეცნიერთა დასიც და ცდილობს გააღვივოს დაფერფილი კერა მეცნიერებისა. საერთოდ, კავკასია და კერძოდ საქართველოს ტერიტორია სრულიად ხელუხლები და დაუშრეტელი წყაროა სამეცნიერო კვლევა-ძიებისათვის და ქართველი ერი საუკეთესო მასალა კულტურისა და ცივილიზაციის ასაყვავებლად. და აჰა, დღეს აქვე ერის შიგ გულში იდგმის მეცნიერების შუქმფენი ლამპარი, რომელიც ამიერიდან გზას გაუნათებს ერის აზროვნებას და შემოქმედებას. ბევრი ურწმუნო თაღლითი შეჰყურებდა ამ იდეას, ბევრი შეუძლებლად სცნობდა ამ იდეას, ბევრს ღმიილი მოსდიოდა — სად შეუძლია საქართველოს ასეთი რამ შეასრულოს, მაგრამ ამ იდეათა ენთუზიასტებმა თავისი გაიტანეს და დიადი სინამდვილის წინაშე დაგვაყენეს.“

საგულისხმოა, რომ ინტელიგენციის წარმომადგენლების გარდა, ქართული უნივერსიტეტის გახსნა უბრალო ადამიანებსაც ახარებდათ. საქართველოს თითქმის ყველა კუთხიდან იგზავნებოდა დეკლარაციები, სადაც მოქალაქეები თავიანთ პოზიციას აფიქსირებდნენ: „სოხუმი — სოხუმის ფოსტა — ტელეგრაფის მომსახურენი, განურჩევლად ეროვნებისა, ალტაცებით ულოცავენ ქართველ ერს ქართული უნივერსიტეტის დაარსებას. გიგზავნი ფოსტით უნივერსიტეტის გასაძლიერებლად ხუთას მანეთს. მინდობილობით შალამბერიძე...“ „ხონი — ხონის ყველა სასწავ-

ლებელთა მრავალრიცხოვანი მიტინგი, რომელსაც შემოუერთდა მრავალი ხალხიც, გამოსთქვამს თავის აუნერულ სიხარულს ეროვნულ მეცნიერების ტაძრის გახსნის გამო და უსურვებს მას აყვავებას. მიტინგის თავმჯდომარე სერგო ბახტაძე“.

„ალექსანდროპოლი — გუმბრის ფოსტა — ტელეგრაფის ქართველი მოხელენი ალტაცებით ვეგებებით ქართული უნივერსიტეტის გახსნას ტფილისში. იმედი გვაქვს მონიხვე პირები ქართველი ერისა ენერგიულად გაუძღვება ამ დიად ეროვნულ საქმეს და ამით საბოლოოდ მოსპობს დაბრკოლებას, რომელსაც განიცდიან და გამოსცადეს ჩვენმა მოზარდმა თაობამ უცხო ქვეყნებში. ფონდის გასაძლიერებლად მომავალშიც შეძლებისდაგვარად დახმარება გავუწიოთ ამ დიად სანატრელ დაწესებულებას. (მოსეშვილი, ქორქია, გაბუნია, სიხარულიძე, ჯაფარიძე, ალიბეგაშვილი, კონიაშვილი, ცომია, ზარიძე, ტაბატაძე, გაზეთი „ერთობა“ 28 იანვარი, 1918 წ, №22, გვ. 2).“

საგულისხმოა, რომ გაზეთ „ალიონის“ 28 იანვრის ნომერში ასევე გამოქვეყნდა „ქართული უნივერსიტეტის პროფესორთა და ლექტორების შემადგენლობის შესახებ 1918 წლის პირველ სემესტრში“, გაზეთ „საქართველოში“ კი დაიბეჭდა სიბრძნისმეტყველების ფაკულტეტის ლექციებისა და გეგმების შესახებ“ ვრცელი და სრული ინფორმაცია.

გამოცემული კრებულის მნიშვნელობაზე რექტორის მრჩეველმა მარინე ლომოურმაც გამოთქვა თავისი მოსაზრება: „ამ მასალების თავმოყრა და წიგნად გამოცემა შესანიშნავი იდეა იყო და სასიამოვნოა, რომ სტუდენტების ძალისხმევით ეს ჩანაფიქრი განხორციელდა. წიგნი ძალიან საინტერესო მასალა თავმოყრილი, რომელიც ნათლად გადმოსცემს იმ ეპოქის

განწყობას. მისი გაცნობა მნიშვნელოვანია ყველასთვის, ვისაც უნივერსიტეტი უყვარს და გააზრებული აქვს — რა მნიშვნელობა ჰქონდა მის დაარსებას ქართველი ხალხისთვის. სასიამოვნოდ გამოცა იმ ფაქტმა, რა სიხარულს გამოხატავდა მთელი ერი — დიდი და პატარა, გლეხი თუ ინტელიგენტი — ყველა გრძნობდა, რომ საქართველოს ისტორიაში ძალიან მნიშვნელოვანი მოვლენა ხდებოდა. ჩემი აზრით, ეს დამოკიდებულება დღემდე თითოეულ ჩვენგანს მოჰყვება, რადგან ვგრძნობთ, რომ იგი უფრო მეტია, ვიდრე ჩვეულებრივი სასწავლებელი. მაღლობა ყველას, ვინც ეს იდეა განახორციელა“, — აღნიშნა მარინე ლომოურმა.

კრებულის შედგენაზე, პროფესორ მალხაზ მაცაბერიძის ხელმძღვანელობით, ერთი თვის განმავლობაში იმუშავეს თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტის პოლიტიკის მეცნიერების მიმართულების ბაკალავრიატის სტუდენტებმა: ირაკლი ირემაძემ, ლევან ლორთქიფანიძემ, ქეთევან მურუსიძემ, თამუნა ნიკოლეიშვილმა და მეგი პაპიაშვილმა.

როგორც პრეზენტაციაზე ირაკლი ირემაძემ გვითხრა, მასალაზე მუშაობა თითოეული სტუდენტისთვის საინტერესო პროცესი იყო, რადგან „ერთი თვის მანძილზე „უშუალო მომსწრენი“ გავხდით, როგორ ხვდებოდა იმდროინდელი ქართული საზოგადოება ისეთ მნიშვნელოვან მოვლენას, როგორც ქართული უნივერსიტეტის გახსნა იყო. მნიშვნელოვანია, რომ იმ დროს რამდენიმე პარტიის გაზეთი გამოდიოდა და მასალების გაცნობის საფუძველზე ისიც ცხადი გახდა, როგორ გამოხატავდა თითოეული პარტია თავიანთ პოზიციას. მთავარი კი ის არის, თუ როგორ შეხვდა ქართული საზოგადოება ამ მოვლენას“.

განახლებულ კრებულზე მუშაობას სტუდენტები უახლოეს მომავალში შეუდგებიან. „ამ ეტაპზე ბროშურის გამოცემას ვჩქარობდით, რადგან გვიჩნდა, მისი პრეზენტაცია უნივერსიტეტის საიუბილეო თარიღისთვის დაგვემთხვია, თუმცა ჩვენი მიზანია, ამ თემასთან დაკავშირებით სამომავლოდ უფრო მეტი მასალა მოვიძიოთ და სრულყოფილი კრებული გამოვცეთ. იმედი გვაქვს, უნივერსიტეტის ხელმძღვანელობა ხელს შეგვიწყობს ამ საშურ საქმეში“, — განაცხადა მალხაზ მაცაბერიძემ.

მომზადდა შურისხილ ბერძენიძე

მომონება

უნივერსიტეტი ბატარაული ერთი დღე



საშუალო სკოლის დამთავრების შემდეგ 1943 წელს უნივერსიტეტში მათემატიკის ფაკულტეტზე ჩავიბრძინე. იმავე წლის გაზაფხულზე — II სემესტრში ფსიქოლოგის განყოფილება გაიხსნა და ამ სპეციალობაზე გადავედი. IV კურსზე ყოფნის დროს დაგვეწყო ლექციები განწყობის ფსიქოლოგიაში. ამ საგანს განწყობის თეორიის ავტორი, ცნობილი მეცნიერი და ქართული უნივერსიტეტის ერთერთი დამაარსებელი, აკადემიკოსი დიმიტრი უზნაძე გვიკითხავდა. მან მხოლოდ ერთი ლექცია წავგიკითხა და გამოგვიცხადა, რომ ჩვენ ამიერიდან ლექციების მაგივრად განწყობის ფსიქოლოგიაში სემინარები გვექნებოდა. ამ ლექციაზე დიმიტრი უზნაძემ განწყობის ზოგად-ფსიქოლოგიური თეორია დაალოგა. ეცადა და მოახერხა

ჩვენთვის ეჩვენებინა ადამიანის მიზანშეწონილი ქცევის და მასთან დაკავშირებული ფსიქოფიზიკური პროცესების მეცნიერული ახსნა განწყობის თეორიის საფუძველზე. უზნაძის კონცეფციის თანახმად, ნათელი გახდა, რომ ადამიანის ფსიქოფიზიკური აქტივობა მხოლოდ ცნობიერი პროცესებით არ ამოიწურება. დადგინდა, რომ ადამიანის ქცევას ხშირად განწყობის საფუძველზე წარმართული არაცნობიერი ფსიქიკური პროცესები განსაზღვრავენ.

ლექციის შემდეგ ბატონმა დიმიტრემ მომავალი სემინარებისთვის ფსიქოლოგიის სახელმძღვანელოდან დავალეხე მოგვცა. ასე დაიწყო ჩვენი მეცადინეობა განწყობის ფსიქოლოგიაში. მე ძალიან დავინტერესდი განწყობის თეორიით და ამიტომ ყველაფერს ვკითხულობდი,

რაც კი განწყობის ფსიქოლოგიას შეეხებოდა. ყოველი სემინარისთვის საგანგებოდ ვემზადებოდი და აქტიური მონაწილეობას ვიღებდი მის მუშაობაში. ამ პროცესში იმის დასაბუთება ხდებოდა, რომ განწყობა არაცნობიერი ფსიქიკური მოვლენაა და ის გაუცნობიერებელი ფაქტორების შედეგად ყალიბდება. მე შევეკითხე ბატონ დიმიტრის, რატომ არ შეიძლება, რომ განწყობა გაუცნობიერებელი მოთხოვნილებების მაგიერ გაცნობიერებული სურვილის, ემოციის საფუძველზე აღმოცენდეს. ბატონმა დიმიტრემ აგვიხსნა, რომ სურვილებსა და ემოციებს საფუძველად უკვე გარკვეული განწყობა უდევს. ამ განწყობის ნიშნის ცნობიერება არ წარმოადგენს. ამ საკითხზე ჩვენმა ჯგუფმა ვრცლად ვიმსჯელეთ, თუმცა უკ-

მარისობის გრძნობა მაინც დამჩნა. სემინარის დამთავრების შემდეგ სახლისკენ მიმავალმა პროფესორმა მთხოვა მას გაეყოლოდი. გზაში მიიხრა, რომ მეცნიერებათა აკადემიასთან არსებულ ფსიქოლოგიის ინსტიტუტში (რომლის დამაარსებელი და დირექტორი ბატონი დიმიტრი იყო) ყოველ ოთხშაბათს ტარდებოდა სამეცნიერო სხდომები და ამ ცნობილ „ოთხშაბათობებზე“ დასასწრებად მიმიწვია.

ჩემს სიხარულს საზღვარი არ ჰქონდა. ის დღე იყო ჩემთვის ერთერთი გამორჩეული და ბედნიერი დღე უნივერსიტეტში.

შოთა ნადირაშვილი, აკადემიკოსი, 14.06.2011

„აღთქმულ მიწაზე“ დაბრუნებული უნივერსიტეტის პირველ კორპუსში

თითქმის ერთი საუკუნის შემდეგ, პირველი ქართველი არქიტექტორის სვიმონ კლდიაშვილის მიერ 1918 წელს აგებულ შენობას საფუძვლიანი რესტავრაცია ჩაუტარდა — გაუმჯობესდა საძირკველი, შეკეთდა სახურავი, გარემონტდა აუდიტორიები, მოიხსნა შენობის შიგნით არსებული ტიხრები და, მედგად, ქართული არქიტექტურის ყველაზე თვალსაჩინო ისტორიული ძეგლის შიდა ნაწილს პირვანდელი სახე დაუბრუნდა. შეიცვალა მხოლოდ ნულოვან სართულზე არსებული ბიბლიოთეკა, რომლის ინტერიერიც თანამედროვე სტანდარტების მიხედვით გადაკეთდა.

ნათო მობლაძე

„თსუ-ის პირველ კორპუსში უკვე გადმოვიდა ადმინისტრაციის პრაქტიკულად ყველა დეპარტამენტი. 2012 წლის საგაზაფხულო სემესტრიდან კი აქ ლექციები ჰუმანიტარულ მეცნიერებათა ფაკულტეტის სტუდენტებს ჩაუტარდება. აუდიტორიების აღჭურვილობა და კომპიუტერული ტექნიკის ნაწილი ჯგუფმა „ქართუმ“ გადმოგვცა. ერთადერთი, რაც შენობის რეკონსტრუქციისას შეიცვალა, ეს კარ-ფანჯრებია, რადგან მათი რესტავრაცია ვერ მოხერხდა და ხის ფერის, მაღალი ხარისხის მეტალოპლასტმასის ფაქტურისგან ახალი დამზადდა“, — განაცხადა თსუ-ის მატერიალური რესურსების მართვის დეპარტამენტის უფროსმა გიორგი ტალახაძემ.

თსუ-ის პირველ კორპუსში დაბრუნდა ჰუმანიტარულ მეცნიერებათა ფაკულტეტი. ეს პირველი ქართული უნივერსიტეტის ტრადიციის ნაწილია — ჰუმანიტარულ მეცნიერებათა ფაკულტეტი ქართული უნივერსიტეტის პირველი ფაკულტეტის — სიბრძნისმეტყველების შემკვიდრება და, შესაბამისად, დაარსების დღიდან ამ შენობაში ლექციები სწორედ ამ სპეციალობის სტუდენტებს უტარდებოდა. ამიტომ უკვე, რაც სარეკონსტრუქციო სამუშაოების გამო ჩვეული აკადემიური სივრცე დატოვებულა და სასწავლო პროცესი თსუ-ის V და VIII კორპუსებში განაგრძობს. აქ ცუდად არ ვგრძნობდით თავს, მაგრამ მაინც დროებით საცხოვრებელში ყოფნის განცდა გვქონდა. ახლა სასიხარულია მომენტია, პირველ კორპუსში ვბრუნდებით, სადაც არაჩვეუ-

ლებრივად მოწყობილ აუდიტორიებს ვახვედრებენ. ყველაზე მეტად კი ის ფაქტი გვახარებს, რომ უახლესი ტექნოლოგიების გამოყენებით აღჭურვილ ბიბლიოთეკას ვახვედრებენ, სადაც, ძირითადად, ჰუმანიტარული და სოციალური პროფილის წიგნები იქნება წარმოდგენილი. ვფიქრობთ, ეს არა მარტო გააადვილებს სწავლის პროცესს, არამედ სტუდენტებისთვის უფრო სასიამოვნოა და სახალისოსაც გახდის. რამდენიმე დღის წინ პირველ კორპუსში სტუდენტები შემხვედნენ, რომლებიც შენობას ათვალთვლიდნენ. მათაც ისე უხარიათ იქ სასწავლო პროცესის განახლება, როგორც ჩვენ. შენობის ფართი საშუალებას გვძლევს, რომ ერთდროულად ლექციები დაახლოებით 1500 სტუდენტს ჩაუტარდეს, რაც ძალიან მნიშვნელოვანია. თან გაზაფხულიც მოდის, პირველ კორპუსსა და მის გარეთ არსებული სივრცე ისევ შეივსება ახალგაზრდებით და ამ წლების მანძილზე მეტ-ნაკლებად მიძინებულ იქნება ისევე, როგორც ჩვენ. — გვითხრა ჰუმანიტარულ მეცნიერებათა ფაკულტეტის დეკანმა დარეჯან თვალთვაძემ.

პირველი კორპუსის გახსნამ სტუდენტებს საგაზაფხულო არდადეგების მალე დასრულების სურვილიც კი გაუჩინა. ჰუმანიტარულ მეცნიერებათა ფაკულტეტის I, II და III კურსის ბაკალავრებს უნივერსიტეტში ჩაბარება სწორედ იმ დროს მოუწიათ, როდესაც თსუ-ის მთავარ კორპუსში სარეკონსტრუქციო სამუშაოები მიმდინარეობდა. IV კურსის სტუდენტებმა კი აქ მხოლოდ ერთი სემესტრის განმავლობაში ისწავლეს.

— გვინდა მალე დაიწყოს სწავლა, რადგან თსუ-ის პირველ კორპუსში ყველაზე უკეთ ვგრძნობთ იმას, რომ ვსწავლობთ უნივერსიტეტში. იქ განსხვავებულად სასიამოვნო გარემოა.

— მხოლოდ ორი თვე გვითარდებოდა პირველ კორპუსში ლექციები, ახლა გამოდის, რომ ბოლო სემესტრშიც მანდ ვისწავლით, რაც ძალიან გვახარებს.

— გვანტერესებს როგორი იქნება ბიბლიოთეკა, წიგნების მოძიე-



ბა ჩვენთვის ყოველთვის პრობლემა იყო.

ასეთია ჰუმანიტარულ მეცნიერებათა ფაკულტეტის იმ სტუდენტების განწყობა და მოლოდინი, რომლებიც ბაკალავრიატის დამამთავრებელ კურსზე სწავლობენ და რომლებსაც ჩვენ თსუ-ის V კორპუსის ფოიეში შევხვდით.

როგორი გარემო დახვედბათ სტუდენტებს თსუ-ის პირველი კორპუსის ბიბლიოთეკაში, ამის გასარკვევად ბიბლიოთეკის ხელმძღვანელს ზურაბ გაიპარაშვილს მივმართეთ.

„ჩვენ გვექნება ორი სამკითხველო დარბაზი — ერთი შოთა რუსთაველის, მეორე კი მარო მაცაშვილის სახელობის. აქვე მკითხველებს შეეძლებათ ისარგებლონ კომპიუტერული ტექნიკით აღჭურვილი რესურსცენტრით. პირველი კორპუსის ბიბლიოთეკა ერთდროულად 300-მდე მკითხველს მოემსახურება. ჩვენი კარი ღია იქნება პროფესორებისთვის, სტუდენტებისთვის და გარეშე პირებისთვისაც — ეს ყოველთვის ასე იყო თბილისის სახელმწიფო უნივერსიტეტში. გვექნება ღია დაშვების დარბაზი, ნახევრად ღია და იქნება, ასევე, დაცული სექტორი, სადაც მომხმარებლები მხოლოდ ბიბლიოთეკარის თანხლებით შევლენ. სტუდენტებს თსუ-ის ბიბლიოთეკის ცენტრალური შენობიდანაც შეეძლებათ წიგნების გამოწერა. პირველ კორპუსში 120 000 წიგნი გვექნება, თუმცა ბიბლიოთეკა გაცილებით მდიდარ ფონდს ფლობს. აქ, ძირითადად, იმ პროფილის ლიტერატურა განთავსდება, რა მიმართულების პროგრამებსაც ეუფლებიან ბიბლიოთეკის პირველ და მის მეზობელ კორპუსებში. ბუნებრივია, II კორპუსში ორიდროული ფაკულტეტის ბიბლიოთეკა ფუნქციონირებას განაგრძობს და ჩვენ კვლავ ხელს შევწყობთ, რომ იქ არსებული წიგნ-

ბის ფონდი გაიზარდოს“, — განაცხადა ზურაბ გაიპარაშვილმა.

თსუ-ის პირველი კორპუსის ბიბლიოთეკაში ქსეროქსის აპარატებიც განთავსდება, სადაც, საქართველოში პირველად, თვითმომსახურება იქნება. მომხმარებელი სპეციალურ ბართს მიიღებს და თანხის ჩატვირთვის შემდეგ ქსეროქსის აპარატის ამუშავება და სასურველი ლიტერატურის ასლის გადაღება შეეძლება.

თბილისის სახელმწიფო უნივერსიტეტის პირველი კორპუსი რენესანსული არქიტექტურის მოტივებზეა აგებული. იგი თბილისის ხუროთმოძღვრების მნიშვნელოვანი ნაწილია, თუმცა განსაკუთრებულ დატვირთვას მას ის ისტორია ანიჭებს, რომელიც უნივერსიტეტის კედლებში თითქმის საუკუნის მანძილზე ინერგებოდა თბილისის სახელმწიფო უნივერსიტეტის დამფუძნებლების, მათი მოწაფეებისა და მომდევნო თაობების მიერ. სწორედ ამ ისტორიის გაცოცხლებას გვგვამხვან თსუ-ის მუზეუმის მეცნიერი-თანამშრომლები თბილისის სახელმწიფო უნივერსიტეტის პირველ კორპუსში.

„პირველ კორპუსში თსუ-ის მუზეუმის ადმინისტრაცია მე-3 სართულზე 3 ოთახში განთავსდება. ერთერთ მათგანში ისტორიისა და ეთნოგრაფიის ფონდის საცავი იქნება. გვექნება საგამოფენო დარბაზი, სადაც მთელი ოთახის პერიმეტრზე გერმანული ტიპის საკიდები გავაკეთეთ. აქ ჩვენთან დაცული თითქმის ყველა სახვითი ხელოვნების ნიმუშები ჩამოიკიდება. ამავე დარბაზში პერიოდულად მოეწყობა ამა თუ იმ მნიშვნელოვან თარიღთან დაკავშირებული გამოფენები. მუზეუმის დაქვემდებარებაშია გუმბათქვეშა სივრცის ორივე სართული. პირველ სართულზე გამოიფინება ივანე ჯავახიშვილის, სხვა დამფუძნებლებისა

და მათი მოწაფეების ფოტოები და მემორიალური ნივთები. ეს იქნება მუდმივმოქმედი ექსპოზიცია. რაც შეეხება გუმბათქვეშა სივრცის მეორე ნაწილს, აქ უნივერსიტეტის დაარსებიდან არქეოლოგიის კათედრა იყო განთავსებული. შესაბამისად აქ არქეოლოგიური ექსპედიციების შედეგად მოპოვებული მასალები და საქართველოს სიმონ ჯანაშიას სახელობის ეროვნული მუზეუმიდან მიღებული გარკვეული სახის კოლექციის ნაწილი გამოიფინება. ექსპონატები თანამედროვე ტიპის ვიტრინებში განთავსდება. დარბაზებში სპეციალური მონიტორებიც დამონტაჟდება, რისი საშუალებითაც მნახველები გამოფენილი ნივთების შესახებ დამატებით ინფორმაციასაც მიიღებენ“, — განაცხადა თსუ-ის მუზეუმის დირექტორმა მაია გურაბაიანიძემ.

თსუ-ის სამუზეუმო ექსპონატების დათვალიერება სტუდენტებს, პროფესორ-მასწავლებლებსა თუ მოწვეულ სტუმრებს საგაზაფხულო სემესტრის დაწყების შემდეგ შეეძლება.

თსუ-ის პირველი კორპუსის გახსნას უნივერსიტეტის პროფესორ-მასწავლებლები, ადმინისტრაციის წარმომადგენლები და სტუდენტები ამაღლებული განწყობით შეხვდნენ. უნდა ითქვას, რომ სამწლიანი პაუზის შემდეგ თბილისის სახელმწიფო უნივერსიტეტის პირველ კორპუსს ახალი „სიცოცხლე დაუბრუნდა“.

რედაქტორის მიწერილი: ამ განწყობას ჩვენც, უნივერსიტეტის გაზეთის რედაქციაც ვიზიარებთ და გულსტკივილით აღვნიშნავთ იმ „გაუგებარ“ ფაქტს, რომ ისტორიული სამართლიანობა უნივერსიტეტის ადმინისტრაციის ყველა დეპარტამენტისთვის და იმ ფაკულტეტისთვის აღდგა, რომლებიც მუდამ პირველ კორპუსში ფუნქციონირებდა, მაგრამ გაზეთ „თბილისის უნივერსიტეტის“ რედაქცია ამ კონტექსტში ვერ „ჩაჯდა“. რედაქცია, რომელსაც გაზეთის დაარსების დღიდან (1927 წ.) უნივერსიტეტის პირველ კორპუსს 2 ოთახი ჰქონდა ტრადიციულად დათმობილი, დღეს კვლავ მესამე კორპუსში შეხიზნული რჩება. — რატომ? — ამ კითხვაზე უნივერსიტეტის ლოგიკური პასუხი ჩვენთვის მაინც მტკივნეული დარჩება, რადგან უნივერსიტეტის პირველი კორპუსის სიდიადე, მინიმუმ, ჩვენს შემოქმედებით განწყობაზე მართლაც აისახებოდა.

სანახაობა ზოოლოგიურ მუზეუმში

მეორე გვერდიდან

ფონდში დაცულია იშვიათი სახეობის თევზები: ზღარბთევზა, მფრინავი თევზი, მთვარა-თევზი, ხერხთევზა, მუცელეკლიანა, შავი ზღვის ზვიგენი და სხვა. აქვე არის მოლუსკები, ამფიბიები, კიბოსნაირები, ობობები, ქვეწარმავლები — მათ შორის ვარანი, ნილოსის ნიანგი, კაიმანი, პითონი, მწვანე კუ და სხვა. მუზეუმში წარმოდგენილი ფრინველთა კოლექცია მოიცავს როგორც ტროპიკულ, ისე საქართველოში მოხინაღრე და გადამფრენ ფრინველთა სახეობას, რომელთა უმრავლესობა შეტანილია, როგორც საქართველოს, ისე საერთაშორისო „ნითელ წიგნში“, მაგალითად: ბატკანძერი, ბექობის არწივი, სავათი, სარსარაკი, კავკასიური როჭო, სვავი, ორბი, ყანჩა, მყივანი გედი, სირიული კოდალა, ბოლოცეცხლა, კავკასიური კოჭობა, ღაჭო, ასპუჭაკა, წინკანა და სხვა. აქვე დაცულია ამ ფრინველთა კვერცხების კოლექციაც, რომელიც 1560 ეგზემპლარისაგან შედგება და ცხრა ვიტრინაშია განლაგებული.

შთამბეჭდავია ჟირაფის, გარეული ტახის, ირმის, შვლის, მფრინავი მელიის (ლამურის), ჩანთოსანი ვირთავის, გარეული

კატების, მაჩვის, მაჩვზღარბას, მელიების, ტურის, ჭრელტყავის, დედოფალას, ციყვების, კურდღლების, იხენისკარტას, ჯავშნოსანის, ჰამადრილის, მაკაკასა და სხვათა ფიტულები.

საინტერესოა ჩონჩხების კოლექციაც, მათ შორის: ლომების, ზოლებიანი აფთრის, კენგურუს, სელაპის, ტურის, მაიმუნის, ჭიანჭველაჭამიასა და სხვა.

ლამაზი სახანავია კეთილშობილი ირმის, ჯიხვების, ნიამორის, ანტილოპას, ლოსის, გარეული კამეჩის, მარტორქისა და ქურციკის რქები.

მნახველებში დიდ ინტერესს იწვევს ცისფერი ვეშაპის ულვაში და ხერხთევზას რუსტრუმი (დინგი).



ექსპოზიცია მდიდარია სველი პრეპარატებითაც (1000-მდე ეგზემპლარი) — მინის ჭურჭელში სპირტიან ან ფორმალინიან ხსნარში შენახულია სხვადასხვა ცხოველის შინაგანი ორგანოების, სისხლის მიმოქცევის, საჭმლის მომნელებელი, ნერვული სისტემის აგებულების ამსახველი მასალა.

2010-2011 წლებში ზოოლოგიური მუზეუმის დარბაზი გარემონტდა და მოძველებული კარაბები თანამედროვე სადემონსტრაციო კარაბებით შეიცვალა, რომლებმაც სამუზეუმო ექსპონატები უკეთ წარმოაჩინა. ამავე პერიოდში, რესტავრატორების დახმარებით, განახლდა ბევრი ფიტული — მათ შორის ჟირაფის, მთვარა-თევზის, მფრინავი თევზის. ენტომოლოგი-

ური და მალაკოლოგიური კოლექციები, სველი პრეპარატები და სხვ. შეიცვალა მუზეუმის დიზაინიც.

თბილისის სახელმწიფო უნივერსიტეტის მუზეუმის დირექტორის მაია გურაბაიანიძის ინფორმაციით, დროთა განმავლობაში მუზეუმში გამოფენილი ექსპონატები დაზიანდა, რემონტს საჭიროებდა საგამოფენო სივრცეც, სადაც მუზეუმია განთავსებული. 2010-2011 წელს საქართველოს განათლებისა და მეცნიერების სამინისტროს საუნივერსიტეტო ინფრასტრუქტურის განვითარების პროექტის ფარგლებში, ივანე ჯავახიშვილის სახელობის თბილისის სახელმწიფო უნივერსიტეტის ზოოლოგიის მუზეუმს სრული რეაბილიტაცია ჩაუტარდა. სარემონტო და სარესტავრაციო სამუშაოები ერთი წლის განმავლობაში მიმდინარეობდა. ამჟამად მუზეუმის ექსპოზიციაში 5000-ზე მეტი განახლებული ექსპონატია წარმოდგენილი, რომელიც ახალ ვიტრინებშია განთავსებული.

ალსანიშნავია, რომ გამოფენილი ნიმუშებს რესტავრაცია 1945 წლის შემდეგ პირველად ჩაუტარდა. მუზეუმის გხსნის საზეიმო ცერემონიაზე დიმიტრი შამკინმა მუზეუმის მნიშვნელობაზე ისაუბრა და განაცხადა, რომ აქ დაცული ექსპონატებს სხვა დამთავლიე-

რებლებთან ერთად, სკოლის მოსწავლეებიც გაეცნობიან, რაც ხელს შეუწყობს მათ დაინტერესებას საბუნებისმეტყველო დარგებისადმი. მუზეუმის თანამშრომლები, საგანგებოდ მოზარდებზე გათვლილი პროგრამის ფარგლებში, მოსწავლეებს შემეცნებით ექსკურსიებს შესთავაზებენ და ამით ისინიც შეუწყობენ ხელს მათი საბუნებისმეტყველო მეცნიერებებით დაინტერესებას.

თბილისის სახელმწიფო უნივერსიტეტის რექტორის ალექსანდრე კვიციანიძის განცხადებით, „ზოოლოგიური მუზეუმი ერთერთი უნიკალური და უმდიდრესია სამხრეთ კავკასიაში. აქ გამოფენილი უნიკალური მასალა საინტერესოა არა მხოლოდ დამთავლიერებლებისთვის, არამედ მნიშვნელოვანია სასწავლო-სამეცნიერო საქმიანობისთვისაც. მუზეუმში სკოლის მოსწავლეებისთვის ჩატარდება ღია გაკვეთილები, რაც ხელს შეუწყობს საბუნებისმეტყველო მეცნიერებებით ახალგაზრდობის დაინტერესებას.“

ახლად გახსნილ მუზეუმში ექსკურსია ჩაუტარდათ თბილისის 122-ე და 151-ე სკოლების მოსწავლეებს, რომლებსაც, იმედია, ზოოლოგიური მუზეუმის დათვალიერებით მიღებული შთაბეჭდილება დიდხანს გაჰყვებათ.

გამოცდის შეფასება თითქმის არ იცვლება

უნივერსიტეტში სემესტრული გამოცდები დასრულდა. თსუ-ის საგამოცდო ცენტრმა, დაახლოებით, 81 000 სტუდენტს გაუწია მომსახურება და სემესტრული გამოცდების უმეტესობა ჩაიბარა.

რა სიახლეები შესთავაზა ცენტრმა სტუდენტებს და როგორია მათ მიერ გამოვლენილი ცოდნის დონე, ამ საკითხებზე გვესაუბრება თსუ-ის საგამოცდო ცენტრის უფროსი თეა იმედაძე:

მანია ტორაძე

— ქალბატონო თეა, როგორ მიმდინარეობს გამოცდები თბილისის სახელმწიფო უნივერსიტეტში, რა შედეგებით დაასრულეს სტუდენტებმა შემოდგომის სემესტრი?

— წელს გამოცდები ძალიან მშვიდ ვითარებაში მიმდინარეობს და პირველი წელია, რაც სტუდენტებისგან საორგანიზაციო საკითხებზე საჩივრები, ფაქტობრივად, არ არის.

თბილისის სახელმწიფო უნივერსიტეტის საგამოცდო ცენტრი აქამდე სემესტრულ გამოცდებზე, დაახლოებით, 60 000 სტუდენტს ემსახურებოდა, დღეისათვის კი 81 000 სტუდენტს ემსახურება (ბაკალავრიატში სულ 17 000 სტუდენტია. სასესიო პერიოდში თითოეულ სტუდენტს რამდენიმე გამოცდის ჩაბარება უნევს. აქედან გამომდინარე, საგამოცდო ცენტრი დღეში 30-40 გამოცდას იბარებს, რაც საერთო ჯამში დღეში 3 300 სტუდენტია, ხოლო საერთო მაჩვენებელი — 81 000 სტუდენტი). ეს იმხელა მაჩვენებელია, რომ ზოგიერთი გამოცდის II კორპუსში ჩატარებამაც მოგვიწია.

საგულისხმაოა, რომ სტუდენტთა რაოდენობა გაიზარდა არა მარტო საგამოცდო ცენტრში ჩასაბარებელი საგნების ხარჯზე, არამედ უნივერსიტეტის სტუდენტთა გაზრდილი რაოდენობის გამოც.

ამ დროისათვის ჩვენთან ჩაბარებული გამოცდები სრულად მოიცავს ჰუმანიტარულ და იურიდიულ ფაკულტეტებს, გარდა საერთაშორისო ურთიერთობის მიმართულებისა. ბიზნესისა და ეკონომიკის ფაკულტეტზე 11 საგანში გამოცდა კომპიუტერის მეშვეობით ელექტრონულ რეჟიმში ტარდება, ხოლო ყველა სხვა საგანი ჩვენთან პარდებსა.

სოციალურ და პოლიტიკურ მეცნიერებათა ფაკულტეტზე და ზუსტ და საბუნებისმეტყველო მეცნიერებათა ფაკულტეტებზე ცოტა განსხვავებული სიტუაციაა: სოციალურ და პოლიტიკურ მეცნიერებათა ფაკულტეტზე გამოცდების 30 პროცენტს, ხოლო ზუსტ და საბუნ-

ბისმეტყველო მეცნიერებათა ფაკულტეტზე გამოცდების დაახლოებით 60 პროცენტს ჩვენ ვატარებთ. რაც შეეხება მედიცინის ფაკულტეტს, აქ სწავლების განსხვავებული მეთოდიკაა. ისინი გვთავაზობენ კურსიულ რეჟიმს და ამის გამო ჩვენ მთელი სემესტრის მანძილზე ვატარებთ მათთან გამოცდებს. საბოლოო ჯამში ეს გამოცდების 98%-ია.

შემოდგომის სემესტრის გამოცდების შედეგების დიდი ნაწილი სტუდენტთათვის უკვე ცნობილია. ჩვენ ვცდილობთ მაქსიმალურად შემჭიდროვებულ ვადებში განვათავსოთ შეფასებები ელექტრონულ უწყისებში და ასეთივე ვადებში განვიხილოთ აპელაციები. როგორც ვიცი, საერთო სურათი დამაკმაყოფილებელია და სემესტრული გამოცდები სტუდენტთა დიდმა ნაწილმა წარმატებით ჩააბარა.

— რა სიახლე შესთავაზა წელს საგამოცდო ცენტრმა უნივერსიტეტის სტუდენტებს?

— სიახლე ისაა, რომ იურიდიულ ფაკულტეტზე (გარდა საერთაშორისო სამართლის მიმართულებისა) აქამდე საგამოცდო ცენტრში ბარდებოდა ერთი შუალედური გამოცდა (კოლოკვიუმი). წელს ორივე კოლოკვიუმი და საბოლოო გამოცდა სრულად ცენტრმა ჩაატარა.

საგამოცდო ცენტრში, ასევე, წელს პირველად ჩატარდა მაგისტრატურის საფეხურის გამოცდების გარკვეული ნაწილი.

— რამდენი ადამიანი ემსახურება გამოცდების ორგანიზებას?

— საგამოცდო ცენტრში მუშაობს 14 ადამიანი, ეს არის ძირითადი ბირთვი, რომელიც საორგანიზაციო სამუშაოებს ატარებს. გვყავს ასევე 72 დამკვირვებელი და 4 ოპერატორი, რომლებსაც საგამოცდო ნიშნები გადააქვს ელექტრონულ უწყისში, ასევე 4 თანამშრომელი, რომელიც აპელაციის პროცედურას ახორციელებს.

— როგორ ხდება ნამუშევრების გასწორება და რა შედეგებით სრულდება სტუდენტთა აპელაციები — არის შემთხვევები, როცა მათ შეფასება მნიშვნელოვნად იცვლება?

— სტუდენტთა საგამოცდო ნამუშევრების



თეა იმედაძე

დიდ ნაწილს უშუალოდ პედაგოგები ასწორებენ, ნაწილს კი, მიმართულთა თავად წყევებს, ვინ გაასწორებს. აღნიშნულ საკითხში საგამოცდო ცენტრი არ ერევა.

გასწორებული ნამუშევრები დალუქული წესით ბრუნდება საგამოცდო ცენტრში, სადაც ხდება მათი დემონსტრაცია და შეფასებების ელექტრონულ უწყისში აღრიცხვა.

თუ სტუდენტს სურს, ნახოს ნაშრომი, ან გაასაჩივროს შედეგი, ის ელექტრონულადვე მოგვმართავს. სტუდენტი ამას აკეთებს პირადი ბარათის მეშვეობით. მას არ სჭირდება არც განაცხადების წერა, არც რიგში დგომა და დროის კარგვა. ეს ძალიან კარგი სიახლეა, მაგრამ, სამწუხაროდ, ზოგიერთი სტუდენტი ამ მეთოდით ჯერ კიდევ არ სარგებლობს...

სააპელაციო განცხადება ბევრია — დღეში დაახლოებით 500-დან 600-მდე, მაგრამ ამათგან დიდი ნაწილი ნაშრომის გაცნობის მსურველია, ნაწილი კი, სტუდენტის მოთხოვნისამებრ, ხელახლა გასასწორებლად იგზავნება. რა თქმა უნდა, შეფასების შეცვლის შემთხვევები არის, მაგრამ ძირითადად მაინც იგივე შეფასება რჩება...

— რა პირობებში უხდებთ სტუდენტებს გამოცდის ჩაბარება? დამკვირვებლების მიმართ მათი პრეტენზიები ხშირად ისმის. ამბობენ, რომ ისინი უხეშობენ, უსამართლოდ ექცევიან და ა.შ.

— პირობები, წინა წლებთან შედარებით, ძალიან კარგია. ზამთარში ძირითადად უკმაყოფილება იყო გათბობასთან დაკავშირებით. წელს დამატებით დავამონტაჟეთ გამათბობლები და ამიტომ, ამ მხრივ, პრეტენზიები არ გამოითქმულა.

უკმაყოფილებას იწვევდა ასევე გაჭიანურებული წინასაგამოცდო რეგისტრაცია. ახლა ამ პრეტენზიასაც ვეღარ მივიღებთ, რადგანაც სარეგისტრაციო უწყისები უკვე ელექტრონულად არის განთავსებული ვებ-გვერდზე. სტუდენტს შეუძლია გამოცდის წინა დღეს ელექტრონული ფორმით მოიძიოს საგამოცდო სექტორისა და ადგილის ნომერი. ამ ფორმით სტუდენტების ნაწილი უკვე სარეგისტრაციო და ეს შედეგად რეგისტრაციის რიგებს, ნაწილს კი ურჩევნია ისევ ადგილზე გაიგოს გამოცდის ჩაბარების ადგილის შესახებ.

რაც შეეხება დამკვირვებლებს, მინდა გითხრა, რომ, რაც ჩვენ ამ პროცესს ვაკვირდებით, ასეთი რამ არ შემიმჩნევია. პირიქით, ჩვენი აზრით, დამკვირვებლები ზოგჯერ ლიალურნიც კი არიან. საქმე ისაა, რომ სტუდენტს პრეტენზიით უსაფუძვლოდ არავენ მიმართავს. წინააღმდეგობები იწყება მას შემდეგ, რაც დამკვირვებელი სტუდენტს სთხოვს, ჩააბაროს მობილური ტელეფონი, მოისხნას ყურსასმენები, ან არ ისარგებლოს ე.წ. „შპარგალით“... როცა მათ სთხოვენ და დამკვირვებლის თხოვნას არ ემორჩილებიან, იწყება გაღიზიანება. ჩვენ ვცდილობთ, რომ მაქსიმალურად კორექტულები ვიყოთ, ოღონდ ასევე კორექტულები უნდა იყვნენ სტუდენტებიც.

ამგვარი პრეტენზიებით სტუდენტები სტუდენტურ თვითმმართველობაშიც მივიდნენ და ამის გამო წინააღმდეგობით თვითმმართველობა აკვირდებოდა არა სტუდენტს, არამედ თავად დამკვირვებლებს. მათაც განაცხადეს, რომ არც ერთ შემთხვევაში დამკვირვებელს უფლებისთვის არ გადაუშვებია.

დღესდღეობით ჩვენს საქმიანობას აკვირდება შიდა აუდიტი, რომლის დასკვნაც ძალიან საინტერესო იქნება ჩვენთვის. ასე რომ, საგამოცდო ცენტრის მიმართ ამგვარი პრეტენზიები ცოტა გადაჭარბებულად მჩვენება.

სტუდენტური გამოკითხვა

სტუდენტური არდადეგები გამოცდების ციებ-ცხელების შემდეგ

სტუდენტობა... წლები, როცა ცხოვრებასთან პირისპირ გადიხარ ასპარეზზე, გასურს და ცდილობ ნარმატიული იყო, რომლისთვისაც შრომა, სურვილი და ძალისხმევაა საჭირო. ყოველი სემესტრის დასაწყისში ახალი ძალებით, ახალი მისწრაფებებით ხვდები, რადგან მშობლების ხშირად ნათქვამი სიტყვები — „სტუდენტობის წლები საუკეთესოა“, — უმეტეს შემთხვევაში ამართლებს და შენც გიხარია ეს... თუმცა, სემესტრის დასასრულს რომ უახლოვდება, მხოლოდ მაშინ გგრძნობთ დაღლას, რადგან წინ გამოცდების და მანამდე დაგროვილი მასალა სწავლას (ზოგიერთ შემთხვევაში კი „შპარგალისთვის“ მომზადებას) ითხოვს... ეს ის პერიოდია, როცა ჩვენი თითქმის ყოველი მეორე წინადადებაა: „ეჰ, როდის დავისვენებთ?“, „ეს არდადეგებიც რომ არ მოვიდა“... როგორც იქნა, სააუდიტორიო მეცადინეობები დამთავრდა და გამოცდების ციებ-ცხელებაში ჩაერთო ყველა, თუმცა, მე უფრო „ციებ-ცხელებაში“ ვიჭყლი, მაღლივში „ცხელება“ ნაკლებად თუ იგრძნობა... აი, ბოლო გამოცდაც „მოვიშორეთ“ და წინ არდადეგებია — პერიოდი, რომლის დადგომაც სემესტრის დასაწყისიდან დასასრულამდე ვფიქრობთ... შედეგების გაგებამდე საკმარისი დრო გვაქვს იმაზე ფიქრისათვის, თუ სად სჯობს დასვენება, როგორ გავატაროთ არდადეგები, როგორ ვისაიმოვნოთ თავისუფალი დროით — ასე ნანატრი დროით...

პირადად მე, ჩემს მშობლიურ ქალაქში — ზესტაფონში გავატარებ არდადეგებს ჩემთვის ძვირფას და მონატრებულ ადამიანებთან ერთად. უკვე დაგვგმილიც კი მაქვს, თუ როგორი იქნება ჩემი თითოეული დღე. პირველ რიგში, ალბათ როგორც ყველა, სასურველ დრომდე დიდ ხანს ძილს ვაპირებ, დღის გარკვეულ ნაწილს კითხვას დავუთმობ, რადგან სწავლის დროს ნასაკითხი ნივთების სია ყოველდღე „იბერება“. ჩემთვის საყვარელ „საქმიანობას“ — ცეკვას დავუთმობ დიდ დროს, ვიცეკვებ დაღლამდე, ბოლო ამოსუნთქვამდე... თავისუფალი დრო, ანუ დრო, რომელიც ისე შემიძლია გამოვიყენო, როგორც მინდა, იმაზე მეტი მექნება, რამდენიც სასაიმოვნო დასვენებისთვის სრულიად საკმარისია. ვისურვებ, რომ გავერთო მეგობრებთან ერთად და როგორი ფორმით იქნება ეს — დიდი მნიშვნელობა არ აქვს. მთავარია, ჩემთვის სასაიმოვნო გარემო იყოს და დავისვენო ისე, როგორც სტუდენტი „იმსახურებს“...

მინტერესებდა, თუ სად აპირებდნენ სტუდენტები დასვენებას არდადეგებზე, როგორ გაატარებდნენ თავისუფალ დროს და, საერთოდ, მათი აზრით, რას ნიშნავს თავისუფალი დრო. საბედნიეროდ, XXI საუკუნეში გამოკითხვის მრავალი საშუალება თუ ფორმა არსებობს. მეც შანსი არ გავუშვი ხელიდან და გთავაზობ ჩემი ჟურნალისტობის (მცდელობის შედეგებს. გამოკითხული სტუდენტებიდან, როგორც მოსალოდნელი იყო, ზოგი მშობლიურ ქალაქში, ზოგი კურორტზე, ზოგიც კი თბილისში აპირებს არდადეგების გატარებას.

მარი სამხარაძე, სოციალურ და პოლიტიკურ მეცნიერებათა ფაკულტეტის II კურსელი

— **სად აპირებთ დასვენებას?**
— არსად არ მივდივარ, თბილისში ვრჩები.
— **როგორ ატარებთ არდადეგებს?**
— კომპიუტერი, კითხვა, ძილი, სეირნობა...
— **რას აკეთებთ დასვენების დროს?**
— დიდ ხანს მძინავს. რაც მომივა თავში, იმას ვაკეთებ — ეს არის თავისუფალი დროის პლუსი.

რას ნიშნავს თქვენთვის თავისუფალი დრო?

— როცა მოქმედებების წინასწარ დაგეგმვა არ მჭირდება და როცა რასაც, როგორც და სადაც მინდა, იმას ვაკეთებ.
— **როგორ გართობს ისურვებთ?**
— ყველანაირი გართობა მიყვარს, იქნება ეს სხვადასხვა სახის თამაშები, სპორტული თუ ინტელექტუალური, დალევა თუ ლაშქრობა, აბსოლუტურად ყველანაირი.

ლევან ლორთქიფანიძე, სოციალურ და პოლიტიკურ მეცნიერებათა ფაკულტეტის II კურსელი

— **სად აპირებთ დასვენებას?**
— სახლში, ძირითადად. ერთი კვირით, ალბათ, მეგობრებს ვენევი ავარაკზე.
— **როგორ ატარებთ არდადეგებს?**
— უფრო ხშირად ვხვდები მეგობრებს და ჩემთვის განსაკუთრებულად საინტერესო ნივთებს ვკითხულობ, დიდ ხანს მძინავს.
— **რას აკეთებთ დასვენების დროს?**
— ვკითხულობ, დილით დავრბივარ (თუ

ჩემს ძუნძულს ეს სახელი ჰქვია), მეგობრებს და დიდი ხნის უნახავ ადამიანებს ვნახულობ.

რას ნიშნავს თქვენთვის თავისუფალი დრო?

— ვაკეთო ის, რაც მეხალისება, სასურველად მიმაჩნია და არა ის, რასაც მიიძლევენ.
— **როგორ გართობს ისურვებთ?**
— მოგზაურობას, სალაშქროდ წასვლას.

შალვა აბაშიძე, სოციალურ და პოლიტიკურ მეცნიერებათა ფაკულტეტის II კურსელი

— **სად აპირებთ დასვენებას?**
— ბათუმში.
— **როგორ აპირებთ არდადეგების გატარებას?**
— ზღვის პირას ტანგოს ვიცეკვებ.
— **რას აკეთებთ დასვენების დროს?**
— მეგობრებთან ვქვიფობ ქალაქგარეთ, ბუნებაში...
— **რას ნიშნავს თქვენთვის თავისუფალი დრო?**
— კარგ ძილს ღამით.

როგორ გართობს ისურვებთ?

— მთავარია მეგობრებთან ერთად ვიყო და გართობის ფორმას დიდ მნიშვნელობას არ ვანიჭებ.

თაქო პაპანაძე, იურიდიული ფაკულტეტის II კურსელი

— **სად აპირებთ დასვენებას?**
— რამდენიმე დღით მეგობრებთან ერთად ბაკურიანში წავალ, ალბათ.
— **როგორ ატარებთ არდადეგებს?**
— მხიარულად, მეგობრების და ოჯახის წევრების გარემოში.
— **რას აკეთებთ დასვენების დროს?**
— კითხულობ ნივთებს, გავდივარ ქალაქგარეთ, ვერთობი მეგობრებთან ერთად, ვცდილობ განვიტვირთო.

რას ნიშნავს თქვენთვის თავისუფალი დრო?

— დროს, რომელიც შემიძლია სურვილისამებრ დავგეგმო და გავატარო.
— **როგორ გართობს ისურვებთ?**
— ჩემთვის სასურველი გარემო გამოიხატება მყუდრო გარემოში, მეგობრების ახლო წრე-

სთან ერთად, მე ასეთ გართობას ვანიჭებ უპირატესობას, ანუ შედარებით პასიურს.

დავით ჩაბანაძე, ისტორიის ფაკულტეტის II კურსელი

— **სად აპირებთ დასვენებას?**
— ჩემი ფინანსებიდან გამომდინარე არსად. თუ მშობლებმა დამაფინანსეს, გუდაურში სიამოვნებით დავისვენებდი.
— **როგორ ატარებთ არდადეგებს?**
— მეგობრებთან ერთად ვატარებ ძირითადად არდადეგებს, ვერთობი, ვმხიარულობ და ა.შ.
— **რას აკეთებთ დასვენების დროს?**
— ბევრ რამეს. ზაფხულში ვთევზაობ, მდინარეზე დავდივარ. მიზნადავს ასეთი რაღაცები.

რას ნიშნავს თქვენთვის თავისუფალი დრო?

— როდესაც არაფერს არ ვაკეთებ.
— **როგორ გართობს ისურვებთ?**
— ქეიფს.

მარი ლეშაძე, ეკონომიკისა და ბიზნესის ფაკულტეტის II კურსელი

— **სად აპირებთ დასვენებას?**
— ვერ ვისვენებ, სტაჟირება მაქვს. 1 კვირა მექნება თავისუფალი და ბაკურიანში წავალ, ალბათ.
— **როგორ ატარებთ არდადეგებს?**
— ნათესავებს ვსტუმრობ, ოჯახთან ერთად კურორტზე დავდივარ.
— **რას აკეთებთ დასვენების დროს?**
— მხატვრულ ლიტერატურას ვკითხულობ, მეგობრებთან და ნათესავებთან ერთად ვატარებ სასაიმოვნოდ დროს.

რას ნიშნავს თქვენთვის თავისუფალი დრო?

— ძილს და, რაც მთავარია, ჩემთვის ძვირფას ადამიანებთან დროის გატარებას.
— **როგორ გართობს ისურვებთ?**
— სასაიმოვნო მუსიკა, ცეკვა, საყვარელ ადამიანებთან ყველა თემის განხილვა, მხიარულება და ა.შ.

მოამზადა სოციალურ და პოლიტიკურ მეცნიერებათა ფაკულტეტის საზოგადოებრივი გეოგრაფიის მიმართულების II კურსის სტუდენტმა მარიამ ბაქაძემ



დესპანი თსუ-დან

თბილისის სახელმწიფო უნივერსიტეტის საბავშვო უნივერსიტეტისა და პროექტის „თსუ – დესპანის“ საინიციატივო ჯგუფის წევრებმა, თსუ-ის სოციალურ და პოლიტიკურ მეცნიერებათა ფაკულტეტის III კურსის სტუდენტებმა **ქატი მუჩსინია** და **გიორგი გრიგოლაშვილი** თსუ-ის სტუდენტებს საქმიანი წინადადება შესთავაზეს — „გახდეთ თსუ-ის დესპანი იმ სკოლაში, რომელიც დაამთავრეთ!“ — მისია საპატიოა, შესრულება — საპასუხისმგებლო, მშობლიურ სკოლასთან შეხვედრა კი — სასიამოვნო.

თსუ-ის სოციალურ და პოლიტიკურ მეცნიერებათა ფაკულტეტის სტუდენტების ინიციატივას თანამოაზრეებიც გაუჩნდნენ და 21 თებერვალს გაიმართა პრეზენტაცია — „თსუ-ის დესპანი“.

თამარ ღაღინი

სტუდენტები არადადგებიან პერიოდში თავიანთი სკოლების დამამთავრებელი კლასის მოსწავლეებს მიანვდიან ინფორმაციას უნივერსიტეტის შესახებ და, ასევე, გააცნობენ უნივერსიტეტის ორენოვან სამეცნიერო-პოპულარულ ჟურნალს — „თსუ მეცნიერება“.

„პროექტი მთელი საქართველოს მასშტაბით განხორციელდება და იგი 28 რაიონს მოიცავს. ღონისძიებაში მონაწილეობს 110 სტუდენტი თსუ-ის ყველა ფაკულტეტიდან. პროექტის მიზანია განათლების უმაღლესი საფეხურის — უნივერსიტეტისა და სკოლების ერთმანეთთან დაახლოება და გათვლილია დამამთავრებელი კლასის მოსწავლეებისთვის. „თსუ-ის დესპანის“ ფარგლებში სტუდენტები მოსწავლეებს გააცნობენ უნი-

ვერსიტეტის ისტორიას, ფაკულტეტების მიმართულებებს, დასაქმების პერსპექტივებს, სამეცნიერო მიღწევებს, უნივერსიტეტის გამოჩენილ კურსდამთავრებულებს და სტუდენტურ ცხოვრებას. იმედი მაქვს, რომ ჩვენი ვიზიტი მშობლიურ სკოლებში ნაყოფიერი იქნება და მოსწავლეებს სწორი არჩევანის გაკეთებაში დაეხმარება“, — განაცხადა თსუ-ის სოციალურ და პოლიტიკურ მეცნიერებათა ფაკულტეტის III კურსის სტუდენტმა, ინფორმაციული მედიის განვითარების ინსტიტუტის წევრმა გიორგი გრიგოლაშვილმა.

პროექტი სწორედ იმ დროს ამოქმედდება, როცა აბიტურიენტები სწავლის გასაგრძელებლად სასურველ უნივერსიტეტებსა და ფაკულტეტებს ირჩევენ, ამიტომ მნიშვნელოვანია, რომ მათთვის საინტერესო თემებზე ინფორმაციას უშუალოდ სტუდენტებისგან მიიღებენ.

„ამ პროექტის ინიციატორები უნივერ-

სიტეტის ის სტუდენტები არიან, რომლებიც აქტიურად მონაწილეობენ სხვადასხვა სტუდენტურ ღონისძიებაში და თვითონაც საინტერესო იდეებს გვთავაზობენ. „თსუ – დესპანი“ მათი იდეაა, რომელიც მხარდაჭერას იმსახურებს. ჩვენ ბევრს ვსაუბრობთ სკოლის მოსწავლეების მეტ ინფორმირებულობასა და უწყვეტი განათლების, უნივერსიტეტისა და სკოლის უფრო მჭიდრო ურთიერთობების მნიშვნელობაზე. პროექტის იდეაც სწორედ ეს იყო — უნივერსიტეტის ღია კარის დღე სკოლაში! ეს ინიციატივა მნიშვნელოვანია იმ მხრივაც, რომ მას სტუდენტი ახორციელებს, რადგან სტუდენტი სულ ცოტა ხნის წინ თავად იყო მოსწავლე და კარგად იცის, რა კითხვებზე აინტერესებს პასუხები აბიტურიენტს, რისი მოლოდინი აქვს მას და რას ითხოვს ახალი სასწავლო გარემოსგან. მოსწავლეები თანატოლთან საუბრისას უფრო თამაშები არიან, ნაკლებად მორცხვობენ და კითხვებს არა მარტო სწავლების ხარისხსა და სასწავლო პროცესის მიმდინარეობაზე სვამენ, არამედ საოცნებო სტუდენტური ცხოვრების შესახებაც. დამეთანხმებით, პროექტის იდეა მისასალმებელია. თსუ-ის ადმინისტრაცია პროექტის ორგანიზატორებს მხარდაჭერასა და დახმარებას პირდება, რასაც ახორციელებს კიდევ“, — აღნიშნა თსუ-ის რექტორის მრჩეველმა მარინე ლომოურმა, რომელიც ყოველთვის მხარში უდგას სტუდენტურ ინიციატივებსა და „თსუ-ის საბავშვო უნივერსიტეტის“ საქმიანობას.

პროექტის მონაწილე სტუდენტები სკოლებში „წმენდებოთ სიგელით“ შევლენ. ეს გახლავთ თსუ-ის და საქართველოს განათლებისა და მეცნიერების სამინისტროს ერთობლივი შეთანხმების საფუძველზე გაცემული დოკუმენტი, რომლის მიხედვითაც მათი გადაადგილება სკოლებში შეზღუდული არ იქნება. პროექტის შემაჯამებელ ეტაპზე ყველა მონაწილეს გადაეცემა სერტიფიკატი.

უნივერსიტეტის რექტორმა ალექსანდრე კვიციანიშვილმა სტუდენტებს გადასცა „წმენდებოთ სიგელით“ და აღნიშნა: „ეს ინიციატივა ინოვაციურია. სტუდენტების დიდმა ნაწილმა მზაობა გამოთქვა საპატიო დესპანის მისიის შესასრულებლად. სტუდენტი ობიექტური ინფორმაციით. მათი მონათხრობი უნივერსიტეტზე გულწრფელი, სანდო და კრიტიკული იქნება. ამიტომ აქვს ამ იდეას ძლიერი საფუძველი და კარგი მომავალიც. ჩვენ გვინდა, რომ სკოლასთან თანამშრომლობის ქსელები კიდევ უფრო გავაფართოოთ და ღია გახადოთ. ამის საშუალებას კი თსუ-ის პირველი კორპუსის სივრცეც გვაძლევს“.

პროექტის პრეზენტაციამ სტუდენტებში დიდი ინტერესი გამოიწვია. ბევრმა გამოთქვა მონაწილეობის სურვილი, ბევრმა პროექტის ავტორებს საინტერესო წინადადებები შესთავაზა, პროფესორ-მოსწავლეებმა კი თსუ-ის დესპანებს გზა დაულოცეს და თანადგომა აღუთქვეს.



სტუდენტის დღიური

„სულ არ ყოფილა პირველ გრაფაში თსუ-ის ჩანერა უპერსპექტივო ამბიცია“

— პირველი რა ჩანერე?
— თსუ.
— ოჰ, რა ამბიციაა!..
— სულაც არ მუამბიცირებდა მე! — ჩემთვისვე გასაკვირი თავდაჯერებით ვუპასუხებ და კლასიდან გამოსასვლელად მოვემზადე.
— რეალური გგონია?!
— ძალიან!
— ნათია, შვილო, შეურაცხყოფას არ გაყენებ და არ გეუბნები, რომ ინტელექტი არ გინყობს ხელს, მაგრამ იცი შენ, რა ბავშვები იქნებიან გამოცდაზე შენი კონკურენტები?! ორი-სამი წელი რომ რეპეტიტორიდან რეპეტიტორთან დარბიან და ყოველწლიურად ათასებს იხდიან მომზადებაში. მომზადებული ხარ ოდესმე რამეში?
— მეცხრე კლასში, ინგლისურში, სამი თვის...
— ახლა მისმინე — ერთდროულად ათ კურსდღეს ნუ დასდევ. ერთ წელიწადს მოინდომე ყველაფერი — კიდევ გემუშავა, კიდევ სკოლაში გევიღო და პლუს ამას (ამ უკანასკნელ ორ სიტყვას, რატომღაც განსაკუთრებულად გაუსვა ხაზი), წლის ბოლოს გამოცდაზე გახვიდე?!.. თან მოუმზადებელი!.. როგორც ჩემს შვილს, ისე გირჩევ, გული ტყუილად რომ არ გაგიტყდეს, არ გახვიდე წელს, შენი ხელფასით მოემზადე ერთი წელი და მერე სცადე ბედი. ისევ შენთვის გეუბნები... თორემ ხომ იცი, რომც ჩაირიცხო, წელიწადში 2 250 ლარის გადახდელი არაა შენი ოჯახი.

— მე უკვე შევიტანე განაცხადი...
კლასიდან გამოვედი.

ჩემი მასწავლებლის ამ დედაშვილურმა რჩევამ თითქოს იმ დღეს ვერაფერი დააკლო ჩემს შესაშურ შემართებას, მაგრამ პირველი გამოცდის წინა დღეს, ძილის წინ, მთელი არსებით ვგრძობდი, რომ ვიყავი ყველაზე გაუნათლებელი ადამიანი პოტენციურ სტუდენტთა შორის.
მერე უცებ გავბრაზდი ყველასა და ყველაფერზე, რაც კი მივიჩნეე იმის მიზეზად, რომ იმ წელს „რეპეტიტორიდან რეპეტიტორთან“ ვერ ვივრბინე; გავბრაზდი მშობლებზე, რომლებსაც არ შეეძლოთ ამ ჩემი „სირბილის“ დაფინანსება; გავბრაზდი საკუთარ თავზე, რომ სწორედ იმ წელს მოვიინდომე — მქონოდა ჩემი ე.წ. „ჯიბის ფული“ და დროის უდიდესი ნაწილი დავუთმე სამსახურს. ბოლოს, წარსულში რომ ვეღარ დავტიე ეს ჩემი ბრაზი და ბოღმა, მომავალს გადავწყვიდე, — ახლა იმაზე ვბრაზობდი, რომ სამომავლოდ ოჯახი 2 250 ლარს ვერ გადამიხდიდა ყოველწლიურად...
გადავწყვიტე, დილით გამოცდაზე არ წავსულიყავი.
ფსიქოლოგები ამას „უუნარობის სინდრომს“ უწოდებენ; წინასწარ იზღვევ თავს მოსალოდნელი მარცხისგან და იტოვებ თავის გასამართლებელს — „მე არ მოვიინდომე, თორემ შეეძლებოდა!“ (არადა, რა მწარედ მჯეროდა, რომ არაფერიც არ შემიძლო).

დილით მაინც ადრე გამეღვიძა.
სახლი ცარიელია. ოჯახმა უკვე მოინყო არდადეგები და სოფელში ისვენებს.
დატოვეს აბიტურიენტი ბავშვი მარტო...
უნუგეგმოდ... აი, ახლა ძალიან, ძალიან შემეცოდა საკუთარი თავი და კიდევ ერთხელ გავბრაზდი მშობლებზე, რომლებიც არასდროს ერევიან ჩემს საქმეებში! ეს ჩაურევლობა კი ნელ-ნელა უყურადღებობას ემსგავსება!..
ეს ისე, გაბრაზების ობიექტი მჭირდება, თორემ ოჯახი თვითონ „ვაიძულე“ მარტო დავეტოვებინე, რადგან გამოცდაზე ნაკლებად ვინერვიულებდი, თუ თან არავინ მახლდებოდა და სახლში დაბრუნებულსაც კითხვებით არავინ შემაწუხებდა.
მახსოვს, როგორ დავლიე ზედიზედ სამი ჭიქა ყავა და აი, საბოლოო გადაწყვეტილება!!! გამოცდაზე გასასვლელად გადახდილი 40 ლარი საშინლად დამენანა და ჩემს თავს ვუთხარი: „სცადე, შენი რა მიდის?!“
მერე ის მახსოვს, აგვისტოს ბოლოსთვის როგორ გამოსულერთდა ყველაფერი; ნერვიულობისთვის ნერვია საჭირო და მე ეს ნერვიუ შერჩენილი აღარ მქონდა. ის იყო, თავი შევამზადე ცხოვრებაში ჩემი პირველი დიდი მარცხის გადასატანად, რომ ბრაზ და 100%-იანი დაფინანსება!

სტუდენტურ ისტორიებს, მიხარია, ასე ბევრს რომ ვნიშნავ მისთვის.
ეგრე ბებო!.. „თქვენია ეს ქვეყანა და თქვენ უნდა იყოთ მომავალში ყველაფრის ბატონ-პატრონი. ბოლომდე უნდა დაიხარჯოთ თქვენ-თქვენს საქმეში. ხელშეწყობა გაქვთ შეილო, ხომ ხედავ... ვინ წარმოიდგენდა ცოტა ხნის წინ, რომ ცარიელი სწავლითა და მონდომებით გახდებოდა ვინმე უმაღლესის სტუდენტი... გიორგი პაპა, ხო იცი, „ბირჟასთან“ რომ ცხოვრობს? მაგისი შვილის განათლებას სამი სახნავ-სათესი შეაღია ოჯახმა და კია ახლა ჯიბეებში ხელეზანყობილი დაყუდებული „ბირჟაზე“. დიპლომი დიდი სიამაყით შემოდო კარადაზე...
მონდომებაა, შვილო, მთავარი და სწავლა-განათლებას ახლა რომ დაფასება აქვს, არ მახსოვს მე, ოდესმე ასე დაფასებულყოფს. მონდომება და სწავლა!“
ძნელია, არ დაეთანხმო ბებოს.
ვინ წარმოიდგენდა (მით უფრო ჩემი მასწავლებელი), რომ მხოლოდ სკოლის განათლების ამარა, ფინანსურად არც ისე შეძლებული ერთი ახალგაზრდა, ხელისუფლებას წელიწადში 2 250 ლარით აზარალებდა? ვერაფერ...
ნათია სუცივილი,
სოციალურ და პოლიტიკურ მეცნიერებათა ფაკულტეტის III კურსის სტუდენტი



მეცხების საქართველოში რეპატრიაციის უკუკონტაქტური და საერთაშორისო კონტაქტები

მეცხების რეპატრიაციასთან დაკავშირებით საზოგადოებაში აზრთა სხვადასხვაობა არსებობს. ნაწილი ფიქრობს, რომ მეცხები აუცილებლად უნდა დაბრუნდნენ ისტორიულ სამშობლოში და ეს ქვეყანას არააზიარ ზედმეტ პრობლემას არ შეუქმნის. ნაწილი კი მეცხების ჩამოსახლების საკითხსადმი ცალსახად უარყოფითადაა განწყობილი. სწორედ ამ აქტუალურ საკითხებზე იმსჯელებს 8-9 თებერვალს თსუ-ის ევროპული კვლევების ინსტიტუტის მიერ ორგანიზებულ სემინარზე.

თამარ ლადიანი

საჯარო ლექციების ფარგლებში, უმცირესობის საკითხთა ევროპული ცენტრის სამხრეთ კავკასიური ოფისის მიერ მოწვეულმა ექსპერტებმა: ანთროპოლოგიის პროფესორმა ქეთევან ხუციშვილმა და დამოუკიდებელმა ექსპერტმა გიორგი თარხან-მოურავმა თსუ-ის მაგისტრანტებს და დოქტორანტებს საინტერესო სემინარების ციკლი შესთავაზეს, რომელიც შემდეგ თემებს მოიცავდა: კულტურული მრავალფეროვნება, ეთნოპოლიტიკური ურთიერთობები, ეთნო-კულტურული და ლინგვისტური უმცირესობები, ეთნიკური და რელიგიური ჯგუფები საქართველოში, დეპორტაცია, რეპატრიაცია, ინტეგრაცია, მეცხები და საქართველო.

საქართველოს ტერიტორია უძველესი დროიდან იყო მოქცეული ინტენსიური მიგრაციების არეალში. შემოდინდნენ და მკვიდრდებოდნენ როგორც კავკასიის ხალხთა წარმომადგენლები, ასევე ცალკეული ჯგუფები მახლობელი აღმოსავლეთიდან. დროთა განმავლობაში მიგრანტთა ზოგი ჯგუფი ადგილობრივ მოსახლეობაში ან სხვა ეთნიკურ ერთეულებში გაითქეფა, სხვებმა კი ბოლომდე შეინარჩუნეს თავიანთი ეროვნული სპეციფიკა.

პროფესორმა ქეთევან ხუციშვილმა საინტერესოდ აღწერა, თუ როგორ ხდებოდა სხვადასხვა დროს შემოსული ეთნიკური თუ რელიგიური ჯგუფების კულტურული ადაპტაცია; რა ჰქონდათ საერთო და რით განსხვავდებოდნენ ისინი ერთმანეთისგან. მან ისაუბრა თანამედროვე საქართველოში არსებული ეთნიკური ვითარების შესახებ და აღნიშნა: „პოლიტიკური და სოციალური-ეკონომიკური ფაქტორების გამო საქართველოს მოსახლეობის ეთნიკური შემადგენლობა სხვადასხვა ისტორიულ ეპოქაში ერთგვაროვანი არ იყო. მასზე გავლენას ახდენდა პოლიტიკური, სოციალური და ეკონომიკური ვითარება მიგრაციულ პროცესებთან ერთად. დღევანდელი ეთნიკური ვითარება განპირობებულია XIX–XX საუკუნეებში მიმდინარე პროცესებით. საქართველოს ტერიტორიაზე მცხოვრები ეთნიკური უმცირესობების კლასიფიკირება შესაძლებელია ქრონოლოგიური, რიცხოვნობის, განსახლების პრინციპის, რელიგიური და ენობრივი კუთვნილების მიხედვით. მნიშვნელოვანია ეთნიკურ უმცირესობათა განსახლების ფორმების გათვალისწინება. იმის მიხედვით, კომპაქტურად არიან ისინი დასახლებულნი თუ დისპერსიულად, სასაზღვრო ზოლში თუ ქვეყნის შიდა ტერიტორიებზე, განსხვავებულია მათი ინტეგრაციის ხარისხი და მათი მათხრობის ხარისხი. სწორედ ამიტომ არის აუცილებელი რეალური სურათის ცოდნა“.

ქეთევან ხუციშვილმა აგრეთვე განიხილა სტატისტიკური მონაცემები და ისაუბრა კვლევის მეთოდებზე, რომელთა გამოყენებითაც ხდება მონაცემთა შეგროვება ეთნიკური ჯგუფების შესახებ. ინტეგრაციის ხელისშემშლელი თანამედროვე ფაქტორებიდან მან გამოყო ცოდნის ნაკლებობა, სხვადასხვაგვარი სტერეოტიპების არსებობა, საერთო სოციალურ-ეკონომიკური ფონი; მშვიდობიანი თანაცხოვრების ტრადიციული

ფაქტორების მოშლა; მანიპულირების მეტი საშუალების არსებობა; ენობრივი პრობლემები და მისგან გამომდინარე საკითხები, როგორცაა განათლების, დასაქმებისა და საზოგადოებრივ ცხოვრებაში აქტიურად ჩართვის საკითხები. ცალკეული ეთნიკური უმცირესობების დახასიათებისას განსაკუთრებული ყურადღება გამახვილდა იმ ეთნოგრაფიულ რეალიებზე, რომლებიც ხანგრძლივი თანაცხოვრების შედეგად ჩამოყალიბდნენ და მშვიდობიან თანაცხოვრებას უწყობდნენ ხელს, კერძოდ, ესენია ღირებულებათა სისტემების და ეთიკური ნორმების მსგავსება; მსგავსი და გაზიარებული ეთნოგრაფიული-ყოფითი რეალიები (ძმადნაფიცობა-ყონალობის, ხელოვნური დანათესავების, სტუმარ-მასპინძლობის ჩვეულებები); გაზიარებული სალოცავები, რელიგიური დღესასწაულები და ბაზრობები. რაც შეეხება ემიგრაციის მიზეზებს — დასახლდა უმუშევრობა, ცხოვრების დონის დაცემა, საკუთარი შესაძლებლობების რეალიზების დაბალი ხარისხი, პოლიტიკური არასტაბილურობის განცდა. ხაზგასმით აღინიშნა, რომ ემიგრაციულ განწყობებზე ნაკლებ გავლენას ახდენს ე.წ. დისკრიმინაციული ხასიათის ფაქტორები: ხელისუფლებისა და მოსახლეობის ნეგატიური დამოკიდებულება ეთნიკური წარმომავლისადმი, მშობლიური ენისა და კულტურის განვითარების შეუძლებლობა, ეთნიკური უმცირესობების წარმომადგენლობისთვის რელიგიური გრძნობების დაკამათების დაბალი ხარისხი. აღინიშნა, რომ ინტეგრაციული პროცესებისა და სამოქალაქო საზოგადოების შექმნის ხარისხი ნარმატება დიდად იქნება დამოკიდებული სწორი პოლიტიკის შემუშავებაზე, რაც ცალკეული ეთნიკური უმცირესობის მოთხოვნილებათა გათვალისწინებით, ე.ი. მათი ყოფის რეალური სურათის ცოდნა-ანალიზის გზითაა შესაძლებელი.

დამოუკიდებელმა ექსპერტმა გიორგი თარხან-მოურავმა მიმოიხილა მეცხების მიერ გადასახლებაში გატარებული წლები, თანამედროვე ყოფა, თვითმყოფადობა და კულტურა. მან სიღრმისეულად გაანალიზა მეცხების საქართველოში რეპატრიაციის შიდაპოლიტიკური და საერთაშორისო კონტაქტები და საინტერესოდ ისაუბრა აგრეთვე იმ საკითხებზე, თუ რა უნდა გაკეთდეს სტალინის მიერ დეპორტირებული მოსახლეობის პრობლემების მოსაგვარებლად.

გასული საუკუნის 20-იანი წლებიდან 50-იანი წლების დასაწყისამდე საბჭოთა კავშირში ლიდერები რეგულარულად იყენებდნენ მრავალეროვანი სახელმწიფოს მოსახლეობის იძულებით გადასახლებას, როგორც რეპრესიულ ზომას, მათზე ზედამხედველობის დაწესებისა და დაშინების მიზნით. ისტორიკოსების ცნობით, ამ პერიოდში მშობლიური ადგილებიდან შუა აზიაში და ციმბირში გადასახლებულ დაახლოებით 6 მილიონი ადამიანი, მათ შორის, 8 ეთნიკური ჯგუფი მთლიანად. ამგვარი კოლექტიური დეპორტაციის მსხვერპლნი გახდნენ ვოლგისპირეთში მცხოვრები გერმანელები, ასევე, კავკასიისა და შავი ზღვის რეგიონებში მცხოვრები ბალყარელები, ყარაჩაელები, ყალმუხები, ჩეჩნები, ინგუშები, ყირიმელი თათრები და მეცხები, ძირითადად იმ ბრალდებით (გარდა



უკანასკნელი შემთხვევისა), თითქოს ისინი ჰიტლერის საოკუპაციო ადმინისტრაციასთან თანამშრომლობდნენ.

მეცხების დეპორტაცია განხორციელდა სსრკ თავდაცვის სახელმწიფო კომიტეტის 1944 წლის 31 ოქტომბრის №6279 დადგენილებით, მაშინ, როდესაც მეცხი მამაკაცები მეორე მსოფლიო ომში იბრძოდნენ. ამავე წლის ნოემბერში მეცხეთში მცხოვრები მთელი მამაკადანი მოსახლეობა, მამაკადიან მეცხეთთან ერთად მოსახლეობის უფრო მცირე ჯგუფები — მომთაბარე ყარაფაფხები, მამაკადიანი ქურთები, ჰემშინები, ბოშები და თურქები — იძულებით აყარეს თავიანთი სახლებიდან და პირუტყვის გადასაცემი ვაგონებით გაუყვეს შუა აზიის გზას. რამდენიმე კვირის შემდეგ დაიწყო კიდევ ერთი მასობრივი დეპორტაციის ოპერაცია მეზობელი აჭარისა და სანაბაგის კავშირში. საბოლოო ჯამში, უზბეკეთში, ყაზახეთსა და ყირგიზეთში გადასახლებულთა რიცხვმა 100 000-ს გადააჭარბა.

მას შემდეგ, რაც 1999 წელს საქართველო ევროპის საბჭოს წევრი გახდა, მეცხთა რეპატრიაციის საკითხი მთავრობის ოფიციალურ ვალდებულებად გადაიქცა. ევროპის საბჭოს წევრობა ავალდებულებდა საქართველოს შეექმნა საკანონმდებლო ბაზა დეპორტირებული მოსახლეობის რეაბილიტაციის, რეპატრიაციისა და ინტეგრაციისთვის, დაეწყო დეპორტირებულ მეცხთა რეპატრიაცია და ეს პროცესი დაესრულებინა

ექვანე ცვალებადი საბჭოური პოლიტიკის ზეგავლენის ქვეშ, რამაც შედეგად მოგვცა განსხვავებული ოფიციალური (საპასპორტო) სტატუსი იმისდა მიხედვით, თურქიზაციის პოლიტიკა განიცადა ამა თუ იმ ჯგუფმა თუ აზერბაიჯანიზაციისა. ამ დროისათვის მეცხებს არ ჰქონდათ მკვეთრად გამოხატული ეროვნული იდენტობა, და თავის თავს „იერლი“ — ადგილობრივებს უწოდებდნენ. მათ იდენტურობაზე დიდ გავლენას ახდენდა რელიგიური და ენობრივი კუთვნილება. აზერბაიჯანიზაციის პროცესი აისახა ეთნიკური ჯგუფების შიდა საბჭოურ კლასიფიკაციაში. მეცხები „აზერბაიჯანელებად“ დარეგისტრირდნენ როგორც თავიანთი პასპორტებში, ისე 1939 წლის აღწერის დოკუმენტებში.

საქართველოდან დეპორტაციის შემდეგ მეცხი ხალხის მიგრაციულ მოძრაობას ჰქონდა როგორც იძულებითი, ისე ნებაყოფლობითი ხასიათი. პოლიტიკური, ეკონომიკური და სოციალური გარემოების გამო ბევრი მეცხი გადადიოდა საცხოვრებლად ახლო და შორეულ ქვეყნებში, ცდილობდა რა შეგუებოდა მუდმივ გადასახლებაში ყოფნას.

დღეს საქართველოში მცხოვრები მეცხების რაოდენობა, დაახლოებით, 1000-ია. ისინი, უმთავრესად, ქვეყნის დასავლეთ ნაწილში — გურიაში და იმერეთში სახლობენ. ზოგიერთი მათგანი სამცხე-ჯავახეთსა და თბილისში ცხოვრობს, მაგრამ ეს ციფრიც მხოლოდ საგარეოა.

გიორგი თარხან-მოურავი არის თანაავტორი ქართულ ენაზე გამოცემული წიგნისა „მეცხები: გზა შინისკენ“, რომელიც მან საჩუქრად გადასცა სემინარის ყველა მონაწილეს. მასთან ერთად წიგნის ავტორები არიან: დანიურ-გერმანული კვლევითი ფონდის „უმცირესობის საკითხთა ევროპული ცენტრის“ რეგიონული დირექტორი კავკასიაში ტომ ტრიერი და „უმცირესობის საკითხთა ევროპული ცენტრის“ ასისტენტ-კვლევარი ფორესტ კილინიკი.

სემინარის მუშაობაში მონაწილეობა მიიღო, აგრეთვე, რეპატრირებულმა მეცხმა ამირან ყურაძემ, რომელმაც დეპორტაციის წლებში საკუთარი ოჯახის ცხოვრებასა და საქმიანობაზე ისაუბრა, თუ რა სიძნელეებისა და პრობლემების გადალახვა მოუხდათ იმ მძიმე წლებში და რა სირთულებებს ნააწყდა ოჯახი რეპატრიაციის პროცესის დროს.

„ოჯახის წევრები ეროვნების აღდგენის შემდეგ საქართველოში დაბრუნდით და აფხაზეთში, აჩიგვარაში დასახლდით, მაგრამ საბჭოთა მთავრობამ სხვადასხვა მიზეზების გამო აქ არ გავგაჩერა და ისევ აზერბაიჯანში გადაგვასახლეს. მამაჩემი ქართული ორიენტაციის იყო და არ უნდოდა აზერბაიჯანში დაბრუნება. მაშინ ამ საკითხს ოჯახში ბაბუა წყვეტდა, მამა ბაბუას დაუპირისპირდა და მათ შორის უთანხმოება მოხდა. ოჯახი გაიყო, მამაჩემი თავის ნათესავებს დაშორდა და საცხოვრებლად ყაბარდო-ბალკანეთის მხარე აირჩია. ამ წლებში საქართველოში დაბრუნება გვეკრძალებოდა, ვერ ჩავენერებოდათ, მაგრამ 1977 წელს მანც მოვახერხეთ საქართველოში დაბრუნება და გურიაში დასახლდით, სადაც დღემდე ცხოვრობთ. მეცხები, დღეს, ძირითადად, ნასაკირალში — გურიაში და იანეთში — იმერეთში, ცხოვრობენ. ბედნიერი ვარ, რომ ქართულ ფესვებს დავუბრუნდი“, — აღნიშნა ამირან ყურაძემ.

სემინარის ბოლოს გაიმართა დისკუსია, მასში მონაწილე სტუდენტებმა საკითხებისადმი დიდი ინტერესი გამოიჩინეს და კონკრეტული დეტალებით დაინტერესდნენ.

სემინარის ბოლოს გაიმართა დისკუსია, მასში მონაწილე სტუდენტებმა საკითხებისადმი დიდი ინტერესი გამოიჩინეს და კონკრეტული დეტალებით დაინტერესდნენ.

რატომ უნდა ვაქციოთ იდეა პროდუქციად

დღეს, ზოგადად მსოფლიოში, ქვეყნების ეკონომიკური მიღწევების საზომად ითვლება მათი კონკურენტუნარიანობა, რომლებიც უშუალო კავშირშია მეცნიერების კომერციალიზაციასთან (ინტენსიური კვლევების წარმოება, მათი შედეგების ათვისება ინოვაციების სახით და ამ ინოვაციების რეალიზაცია ბაზარზე).

თსუ-ში მეცნიერების კომერციალიზაციის მიმართულებით კვლევებით ეკონომიკისა და ბიზნესის ფაკულტეტის „ინოვაციური მენეჯმენტის ცენტრში“ ტარდება.

„ინოვაციური მენეჯმენტის ცენტრს“ წელს დაარსებიდან მე-4 წელი შეუსრულდა. იგი 2007 წელს ეკონომიკისა და ბიზნესის ფაკულტეტის სამეცნიერო საბჭომ სამეცნიერო-საგანმანათლებლო სტრუქტურულ ერთეულად დაამტკიცა. ეს ცენტრი სპონსორირებული არ წარმოშობილა. მას საფუძვლად დაედო ყოფილ საინჟინრო-ეკონომიკურ (შემდგომი მენეჯმენტის და მიკროეკონომიკის) ფაკულტეტზე ჩემ მიერ შედგენილი სასწავლო პროგრამების მიხედვით 1997 წლიდან ნაკითხული სალექციო კურსები: „ინოვაციური მენეჯმენტი“, „ორგანიზაციული მენეჯმენტი“, „ინვესტირების საფუძვლები“, „ინოვაციური საქმიანობის ორგანიზაცია და მართვა“ და „ბიზნეს-კომუნიკაციები“.

ცენტრის მიზანია მეცნიერების კომერციალიზაციისთვის ხელშეწყობა, რაც, თავის მხრივ, ითვალისწინებს: ვენჩურული ინვესტიციების კვლევას; კონსულტაციებს, როგორც ტექნოლოგიების ტრანსფერის გადაცემის, ისე პატენტების, ლიცენზიებისა და საავტორო უფლებების საკითხებში; მეცნიერების განვითარებისათვის ხელშეწყობას; მცირე ინოვაციური ბიზნესის განვითარებას; პერსპექტიულ ინოვაციურ პროექტებზე მონაცემთა ბანკის ჩამოყალიბებას; უნივერსიტეტის ინტელექტუალური პოტენციალის პრაქტიკულ ჩართვას კვლევების კომერციალიზაციის პროცესში.

ამ მიზნის მისაღწევად ცენტრში მიმდინარეობს სისტემატური მუშაობა, რაც, შესაბამისად, ასახულია იდეების გენერირების პროცესებზე: მიმდინარე კვლევებზე და გამართულ სამეცნიერო კონფერენციებზე.

„ინოვაციური მენეჯმენტის ცენტრმა“ საუნივერსიტეტო დონის რესპუბლიკური მასშტაბის სამეცნიერო ორი კონფერენცია გამართა აკადემიურ პერსონალისთვის და ორი კონფერენცია სამივე საფეხურის სტუდენტებისთვის, აგრეთვე, ორი საუნივერსიტეტო სტუდენტური სამეცნიერო კონფერენცია.

ცენტრის მიერ გამოცემულია სამეცნიერო შრომების 2 კრებული.

ინოვაციური მენეჯმენტის ცენტრი ჩართულია საგრანტო კონკურსებში, მაგალითად, ცენტრში მომზადდა საქართველოს სამეცნიერო ტექნოლოგიების განვითარების ფონდისთვის პროექტი, რომლის მიზანაც იყო მზის ენერჯის გამოყენება.

„ინოვაციური მენეჯმენტის ცენტრში“ აქტიურად მიმდინარეობს მუშაობა საგანმანათლებლო პროგრამების მიმართულებითაც. შემუშავებულია დოქტორანტიებისთვის არჩევითი სასწავლო კურსი „მეცნიერების კომერციალიზაცია“. ამჟამად მიმდინარეობს მუშაობა ერთობლივი სამაგისტრო პროგრამის კურიკულუმზე ამერიკის ერთერთ ტექნოლოგიურ უნივერსიტეტთან ერთად და დაფინანსების მოპოვებისთანავე ეს პროგრამა წარდგება აკრედიტაციისთვის.

დღეისათვის ცენტრში ჩატარებულია კვლევები მეცნიერების კომერციალიზაციის 4 მოდელზე.

კომერციალიზაციის პროცესის რაციონალური გამოყენების მიზნით პირველ რიგში აუცილებელია ინოვაციების კომერციალიზაციის შევხედოთ სახელმწიფო და კერძო სექტორის თვალთ (მათ შორის, როგორც უნივერსიტეტების, ისე სამეცნიერო-კვლევითი ინსტიტუტების გათვალისწინებით).

კომერციალიზაცია განეკუთვნება იმ ღონისძიებათა სერიას, რომელსაც საბაზრო მოთხოვნების შესაბამისად ფორმები ახორციელებენ ცოდნის და ტექნოლოგიების გარდასაქმნელად ახალ პროდუქტებად, პროცესებად ან მომსახურებად.

კომერციალიზაციის პროცესისთვის გადამწყვეტი მნიშვნელობა აქვს მაღალკვალიფიციურ კადრებს (მეცნიერებს, ინჟინრებს, მენეჯერებს და ა.შ.).

აქვე უნდა აღვნიშნოთ ინოვაციების მარკეტინგზე, რომელიც მნიშვნელოვანი ცვლილებების გათვალისწინებით მარკეტინგის ახალი მეთო-

დის დანერგვას წარმოადგენს დინამიკური ან შეფუთვაში, პროდუქტის განთავსებაში ან ფასში. ინოვაციების მარკეტინგი მიმართულია კლიენტების უკეთ დაკმაყოფილებისაკენ, ახალი ბაზრების აღმოჩენაზე ან უკვე არსებულ ბაზარზე პროდუქტის ხელახლა პოზიციონირებაზე, ფირმის მოცულობის გაზრდის მიზნით.

ინოვაციების წამქეზებელ მექანიზმს პირველ რიგში კონკურენტუნარიანობა წარმოადგენს. მოქმედებული ტექნიკისა და ტექნოლოგიების გამოყენების პროცესში მისი წარმოებლობა და მომხმარებელი დოფერენციალურ ზარალს განიცდიან, რის გამოც იძულებული ხდებიან — ინოვაციების ათვისების მეშვეობით ეძებონ საკუთარი სანარმოო დანახარჯების შემცირების შესაძლებლობები. იმ სამენარმოო ფორმებს, რომლებიც ეფექტურ ინოვაციებს ათვისებენ, შესაძლებლობა ეძლევა შეამცირონ სანარმოო ხარჯები და შესაბამისად, საკონოსო (პროდუქტის, მომსახურების) რეალიზების ფასიც.

ინოვაციური ბიზნესის არს მუდმივი ექსპერიმენტი წარმოადგენს. რა თქმა უნდა, ძალიან მნიშვნელოვანია გეგმები, კვლევები, რესურსების აზრანი განაწილება, მაგრამ ბაზრის შესწავლას კიდევ განაპირობებს რამდენიმე გარემოება: ბაზრის გლობალიზაცია, კონკურენტის გამწვავება, გარემოში ცვლილებების ზეგავლენის ზრდა და მომხმარებლის დომინირება ბაზარზე.

ინოვაციური იდეის რეალიზებასთან დაკავშირებით, საბოლოო გადაწყვეტილების მიღებამდე აუცილებელია ყურადღება გამახვილდეს რეალური რისკების და რეალური მოგების მოლოდინებთან დაკავშირებულ ორ მნიშვნელოვან საკითხზე: 1) პროექტიდან მიღებული მოგება საგრძობლად მეტი უნდა იყოს, ვიდრე მისი რეალიზების ხარჯები და 2) პროექტიდან დაკავშირებული რისკი დასაძლევად ფარდობაში უნდა იყოს მისი რეალიზების მიღებული უკუგების სავარაუდო შეფასებასთან.

ძალიან პერსპექტიულ იდეასაც კი „თავისთავად“ არ მოაქვს ნოვატორი სანარმოოსთვის წარმატება ბაზარზე. მან ინოვაციური საქმიანობის მიზანს რომ მიაღწიოს, უნდა მიიღოს მონოპოლიური ზემოქმედება, ასევე, სამენარმოო ფორმის სჭირდება შესაბამისი პროცესების დაცვა და



იოსებ მასლურაშვილი

გარკვეული მოთხოვნების დაკმაყოფილება. ამ სიტუაციებში, სათანადო პროცესის საკმარისი მოქნილობის გამო, უკეთესად მიჩნეულია მცირე ინოვაციური ფორმები.

პროდუქტის კონკურენტულ წარმატებას დღევანდელ ბაზარზე, ძირითადად, სამენარმოო საქმიანობის ისეთი მახასიათებლები განსაზღვრავს, როგორცაა ძველი პროდუქტის ახლით ჩანაცვლების სისწრაფე, ნანარმის ხარისხის და საიმედოობის დონე, ფასი და ა.შ.

საერთო ეკონომიკური მაჩვენებლების სანაცვლოდ, მიღწევები ტექნოლოგიურ განვითარებასა და ინოვაციების მენეჯმენტში დღეს არის ქვეყნის ეკონომიკური სიძლიერის ეფექტიანობის საზომი. ამასთან, გადამწყვეტი მნიშვნელობა არ აქვს ქვეყანა განვითარებას იწყებს საკუთარი, თუ სხვებისგან გადმოღებული ტექნოლოგიური მიღწევების საფუძველზე. მთავარია, მას მოახერხოს ზემოთ ხსენებული მახასიათებლების სრულყოფა ინოვაციური პროდუქტების სათანადო წარმართვის მეშვეობით (ამის მაგალითია ახალი ქართული სანარმოო „ალგორითმი“).

ამ მახასიათებლებით წინსვლის პრაქტიკულად ამოუწურავი რეზერვების არსებობაზე არაერთი ქვეყნის სწრაფი და შედეგიანი ინდუსტრიული განვითარების გამოცდილება მიუთითებს (იაპონია, სინგაპური და ა.შ.).

საერთაშორისო კონკურენტუნარიანობისთვის არსებობს ოთხი მთავარი პირობა: 1) ტექნოლოგიური

ინფრასტრუქტურა, 2) ეროვნული ორიენტირება, 3) სოციალურ-ეკონომიკური ინფრასტრუქტურა, 4) ინდუსტრიის მწარმოებლობა.

საერთაშორისო კონკურენტუნარიანობის თვალსაზრისით შეიძლება პარადოქსულად უღერდეს, მაგრამ, ზოგჯერ, ქვეყნები, რომელთაც საკუთარი პოტენციალის განვითარება „სუფთა ფერცლიდან“ უნევთ, ამ პირობების შექმნის თვალსაზრისით, უკეთეს მდგომარეობაში აღმოჩნდებიან ხოლმე (და ამ მხრივ საქართველოს დიდი პერსპექტივა გააჩნია), ვიდრე ინდუსტრიალიზებული სახელმწიფოები, რომელთაც ამისთვის უკვე ჩამოყალიბებული ვითარების შეცვლა უნევთ.

მაღალტექნოლოგიური და მეცნიერებატევადი დარგების განვითარების ხელშეწყობისთვის განსაკუთრებული მნიშვნელობა აქვს ქვეყანაში ცოდნის აკუმულირების და შეთვისების უნარის არსებობას, რისი დეფიციტიც საქართველოში ნამდვილად არ გავაჩნია და ესეც არის ერთერთი დადებითი მხარე ჩვენი ქვეყნისთვის.

ცოდნის შედეგიანი შეთვისება შესაძლებლობას აძლევს ინდივიდებს, სანარმოებსა და საზოგადოებებს მოახდინონ წარმოებაში გამოყენებული რესურსების უტილიზება, სრულყოფნა საკუთარი კვალიფიკაცია და ამით მონაწილეობა მიიღონ ქვეყნის განვითარებაში.

საქართველო დღეს მწვავედ განიცდის მეცნიერების და ტექნიკის სფეროში იმ სინდრომის უკმარისობას, რომელმაც უკანასკნელ წლებში სერიოზული დარტყმა მიაყენა ევროპას, რაც „ევროპის პარადოქსითა“ ცნობილია.

დღეს საქართველოს აქვს უნიკალური შანსი - ახლო მომავალში იამაყოს საკუთარი ეროვნული ღირსეობა, რისი მიღწევაც შესაძლებელია ქართველების გონებაში არსებული იდეების გადაქცევით სწორედ ისეთ პროდუქტად, პროცესებად და მომსახურებად, რომელიც თანამედროვე ბაზრისთვის იქნება მისაღები.

იოსებ მასლურაშვილი,
ეკონომიკის დოქტორი,
პროფესორი, ეკონომიკისა და ბიზნესის ფაკულტეტის
„ინოვაციური მენეჯმენტის ცენტრის“ ხელმძღვანელი

კონფერენცია

ჯოისის საერთაშორისო გავლენა ლიტერატურაზე

შურთხია პაროშვილი

2 თებერვალს თბილისის სახელმწიფო უნივერსიტეტში ორდღიანი საერთაშორისო კონფერენცია — „ჯოისის საერთაშორისო გავლენა ლიტერატურაზე“ გაიმართა, რომელიც ჯეიმს ჯოისის დაბადებიდან 130 წლისთავს და „ულისეს“ გამოქვეყნებიდან 90 წლისთავს მიეძღვნა. ღონისძიებაში თბილისის სახელმწიფო უნივერსიტეტის, ქუთაისის აკაკი წერეთლის სახელმწიფო უნივერსიტეტის, თბილისის შოთა რუსთაველის სახელობის თეატრალური უნივერსიტეტის, კავკასიის უნივერსიტეტის, აგრარული უნივერსიტეტის პროფესორ-მასწავლებლებთან და დოქტორანტებთან ერთად მონაწილეობა მიიღეს კანადის, აშშ-ის და რუმინეთის უნივერსიტეტების პროფესორებმა, რომლებმაც მწერლის შემოქმედებაზე ისაუბრეს. უნივერსიტეტის პროფესორ-მასწავლებლებმა და უცხოეთის სტუმრებმა კონფერენციაზე მწერლის შემოქმედებისადმი მიძღვნილი ნა-შრომები წარმოადგინეს.

XX საუკუნის ერთერთი ყველაზე გავლენიანი ირლანდიელი მწერლისა და პოეტის ჯეიმს ჯოისის შემოქმედება დღემდე ლიტერატორებისა და კრიტიკოსების განსჯის საგანია. მას ეკუთვნის ყველაზე გახმაურებული რომანი „ულისე“, რომელიც 1922 წელს დაიწერა და რომელმაც მწერალს საყოველთაო აღიარება და დიდება მოუტანა. არანაკლებ მნიშვნელოვანია მისი სხვა ნაწარმოებები: „ფინეგანის სამიძმარი“, მოკლე

ნოველების კრებული „დუბლინელები“, ავტობიოგრაფიული ნაწარმოები „ხელოვანის პორტრეტი ახალგაზრდობისას“ და სხვა. მიუხედავად იმისა, რომ ჯოისმა ცხოვრების უმეტესი ნაწილი ირლანდიის საზღვრებს გარეთ გაატარა, მისი ფსიქოლოგიური და ბელეტრისტული სამყარო ეყრდნობა მშობლიურ დუბლინს — ქალაქს, რომელიც წარმოადგენს მისი შემოქმედებითი სამყაროს მთავარ მოქმედების ადგილს. მსოფლიო ლიტერატურაში ჯოისი ერთერთ ყველაზე გავლენიან მოდერნისტ ავტორად ითვლება. მისი რომანი „ულისე“ ჰომეროსის „ოდისეას“ მიხედვით დაწერილი ნაწარმოებია, რომელმაც უდიდესი გავლენა მოახდინა არა მარტო ევროპულ, არამედ საერთაშორისო ლიტერატურაზე. „ამოუხსნელი და იდუმალი“ — ხშირად ასეც ახასიათებენ ჯოისის შემოქმედებას. ამერიკელი მწერალი ფრენკ ბაუმი იმასაც კი ამბობდა, რომ „ულისეს“ ნაკითხვა შეუძლებელია — მისი მხოლოდ ხელმეორედ ნაკითხვაა შესაძლებელი“.

თბილისის სახელმწიფო უნივერსიტეტში გამართულ სამეცნიერო კონფერენციაზე პროფესორებმა დიდი მწერლის შემოქმედების სხვადასხვა ასპექტებზე ისაუბრეს. დოქტორმა მაია ყიასაშვილმა „ულისეს“ ქართული თარგმანის შესახებ ისაუბრა და აღნიშნა, რომ „ულისე“ იმ წიგნებს განეკუთვნება, რომელთა შესწავლასა და თარგმანს შეიძლება ცხოვრება შეაღიო და მაინც მხოლოდ ოდნავ შეეხო მის სიღრმეს. მისი აზრით, რომანის კითხვა გაძნელებულია არა მარტო



საკუთრივ ენობრივი თვალსაზრისით, არამედ მასში მრავალი ისტორიული, კულტუროლოგიური, მუსიკალური, ფილოსოფიური და ლიტერატურული ალუზიების სიმრავლის გამო, რაც მას სათარგმნელად ურთულეს ნაწარმოებად აქცევს.

მაია ყიასაშვილმა თავის ნაშრომში ნიკო ყიასაშვილისეულ თარგმანზეც ისაუბრა და აღნიშნა, რომ იმ პერიოდში, როდესაც „ულისე“ ითარგმნა, ჯოისი მიიჩნეოდა არასასურველ მწერლად, ამიტომ ზოგერთი ქართველ ლიტერატორს ამ თარგმანის მიმართ მძაფრი რეაქცია ჰქონდა.

„განსაკუთრებულად ბუნებრივად ითარგმნა ის პასაჟები, რომელთაც სტილური ანალოგია დაეძგნა ქართულ ლიტერატურაში. სათარგმნელად ყველაზე დიდ სირ-

თულეს წარმოადგენს ალუზიები და სიტყვათა თამაში. მრავალი ირლანდიული, ლათინური, იტალიური, ფრანგული და გერმანული ფრაზები სქოლიოშია ნათარგმნი, მაგრამ კომენტარის თვისი დატვირთვა აქვს: რეალიზები და მათი მინიშნებები ქართველი (და არა მარტო) მკითხველისთვის სრულიად დაიკარგება, რომ არა განმარტება. საკუთრივ რელიგიური, კულტურული, ყოფითი ალუზიების გარდა, „ულისეში“ მხოვლადაა თავად ჯოისის პირადი ცხოვრების ეპიზოდების მინიშნება. ბევრია, ასევე, მრავალი მწერლისა და განსაკუთრებით შექსპირული ალუზიები, რომელთა ნაწილი ქართველი მკითხველისთვის გაუგებარია იმ უზრალო მიზეზის გამო, რომ ხშირად ესა თუ ის ფრაზა ან ხატი ქართულ კლასიკურ თარგმანში

სრულიად არ გვხვდება“, — აღნიშნა მაია ყიასაშვილმა.

მისი ინფორმაციით, „ულისეს“ ახალი ვარიანტი, რომელიც 2012 წელს „ბაკურ სულაკაურის გამომცემლობამ“ გამოსცა, სრულია იმ გაგებით, რომ იგი შედარებულია 1984 წლის სრულმიან სინოპტიკურ გამოცემასთან და მთლიანად რედაქტირებული და შევსებულია.

თსუ-ის ინგლისური ფილოლოგიის დეპარტამენტის წარმომადგენელმა, ასოცირებულმა პროფესორმა გიორგი ყუფარაძემ თავის მოხსენებაში „ინტერტექსტუალური და სტილისტური ელემენტები ჯ. ჯოისის „ეველინიში“ ნაწარმოების ლინგვისტურ ანალიზზე გაამახვილა ყურადღება. საინტერესო იყო ბელა ხაბეაშვილის მოხსენება — „მინიგანი მონოლოგი ჯეიმს ჯოისის შემოქმედებაში“, ასევე, მანანა გელაშვილის — „ჯაკომო ჯოისი“, როგორც ხელოვანის პორტრეტი“, დავით მაზიაშვილის — „ჯოისი და პოსტმოდერნიზმი ტომ სტოპარდის პიესა „ტრევესტისში“, ილია გასვიანის — „პოლინერის ულისე და ჯოისის ულისე“, კოკა გუნცაძის — „რომანის კრიზისი და ახალი ლიტერატურული განზომილებების ძიება“ და სხვა.

კონფერენციის მონაწილეებმა სამომავლო გეგმებზეც ისაუბრეს. პროფესორ-მასწავლებლებმა დოქტორანტებს ჯოისის შემოქმედებასთან დაკავშირებული ის სამეცნიერო ლიტერატურა შეურჩიეს, რომლებზეც ისინი მომავალში იმუშავებენ და რომელთაც შემოდგომისთვის დაგეგმილ სამეცნიერო კონფერენციაზე წარმოადგენენ.



მოსწავლეთა „ვიქტორინა – 2012“

თამარ ღაღინი

18 თებერვალს თსუ-ის ზუსტ და საბუნებისმეტყველო მეცნიერებათა ფაკულტეტზე „საბავშვო უნივერსიტეტი“ ფარგლებში მოსწავლეთა ვიქტორინა გაიმართა.

ვიქტორინაში თბილისის, რუსთავის, ქუთაისის, გურჯაანისა და საგარეჯოს 25 საჯარო და კერძო სკოლების დამამთავრებელი კლასის მოსწავლეებმა მიიღეს მონაწილეობა.

ვიქტორინაში მონაწილეობა 25 გუნდმა მიიღო. თითოეული გუნდი 6 მოსწავლით იყო წარმოდგენილი. მათ 15 შეკითხვას გასცეს პასუხი. შეკითხვები მოიცავდა ზუსტ და საბუნებისმეტყველო მეცნიერებათა საგნებს, როგორცაა გეოგრაფია, ბიოლოგია, ქიმია, ფიზიკა და მათემატიკა. თითოეული საგნიდან დასმული იყო 3 შეკითხვა. პასუხის მოფიქრების დრო გათვლილი იყო კითხვის სირთულეზე და შესაბამისად, ქულების რაოდენობაც განსხვავებული იყო.

ვიქტორინა გახსნა თსუ-ის ზუსტ და საბუნებისმეტყველო მეცნიერებათა ფაკულტეტის დეკანმა, სრულმა პროფესორმა რამაზ ბოჭორიშვილმა, რომელმაც აღნიშნა: „თსუ-ის ზუსტ და საბუნებისმეტყველო მეცნიერებათა ფაკულტეტმა უკვე რამდენიმე ვიქტორინას უმასპინძლა. დღევანდელი ვიქტორინა გამორჩეულია, რადგან წინა ვიქტორინებში გამარჯვებისთვის საკმარისი იყო მხოლოდ ერთი საგნის ცოდნა, ხოლო დღეს გამარჯვების მისაღწევად ფაკულტეტის პროფილის შესაბამისად მოსწავლეებმა სხარტი აზროვნება და გარკვეული ცოდნა უნდა გამოავლინონ საგნებში მათემატიკა, ფიზიკა, ქიმია, ბიოლოგია და გეოგრაფია. მხოლოდ ერთი საგნის ძალიან კარგი ცოდნითაც კი დღევანდელ ვიქტორინაში გამარჯვების მოპოვება შეუძლებელია. სამომავლოდ განსაზღვრულია ვიქტორინის რამდე-



ნიმე ტურად ჩატარება და კიდევ ერთი პროფესორი საგნის - ინფორმატიკის დამატება. იმედი მაქვს, რომ ასეთი ვიქტორინები უფრო ფართო მასშტაბებს შეიძენს და მოსწავლეებში კიდევ უფრო პოპულარული გახდება. ვიქტორინის დღევანდელ მონაწილეებს შორის არიან დამამთავრებელი კლასის მოსწავლეები და ვიმედოვნებ, რომ წელს ისინი ზუსტ და საბუნებისმეტყველო მეცნიერებათა ფაკულტეტის სტუდენტები გახდებიან“.

„ვიქტორინა – 2012“-ის ჟიურის წევრები თსუ-ის სხვადასხვა მიმართულების პროფესორ-მასწავლებლები იყვნენ – გეოგრაფიის მიმართულების ასოცირებული პროფესორი დალი ნიკოლაიშვილი (ჟიურის თავმჯდომარე), ბიოლოგიის მიმართულების ასისტენტ პროფესორი ეკატერინე ბაკურაძე, გეოგრაფიის მიმართულების ასისტენტ პროფესორი

გიორგი დვალაშვილი, მათემატიკის მიმართულების ასოცირებული პროფესორი თენგიზ კოპალიანი, ატომური ფიზიკის ლაბორატორიის გამგე რამაზ ლომსაძე, ბიოლოგიის მიმართულების ასისტენტ პროფესორი ირინა მოდებაძე, ფიზიკის მიმართულების ასისტენტ პროფესორი თეიმურაზ ნადარეშივილი და ზოგადი და არაორგანული ქიმიის ლაბორატორიის გამგე მაია რუსია.

ვიქტორინის ყველა წევრი გამარჯვებისათვის იბრძოდა, თითოეულ მოპოვებულ ქულას ხალისითა და მხიარული შეძახილებით ხვდებოდნენ.

I ადგილზე გავიდა თბილისის 173-ე საჯარო სკოლის გუნდი. II ადგილის მფლობელი გახდა თბილისის 42-ე საჯარო სკოლის გუნდი და ქუთაისის პირველი სკოლის გუნდი, ხოლო III ადგილი თბილისის 52-ე საჯარო

რო სკოლის გუნდმა დაიკავა. გარდა ამისა, კიდევ 7-მა სკოლამ მოიპოვა საგზური შემდეგ ტურში გადასასვლელად, ესენი არიან: ვაზისუბნის (გურჯაანი), თბილისის 77-ე, 18-ე, 50-ე, 215-ე, 161-ე საჯარო სკოლები და თბილისის პირველი კლასიკური გიმნაზია. როგორც ჟიურის თავმჯდომარემ, პროფესორმა დალი ნიკოლაიშვილმა აღნიშნა: „ვიქტორინაში მონაწილე მოსწავლეები ძალიან კარგად ფლობდნენ სასწავლო მასალას. ეს მოსწავლეები სკოლაშიც გამოირჩევიან თავიანთი აქტიურობით და მეტად საინტერესო შეკითხვებს ვაძინებ. არ შეიძლება არ აღინიშნოს ისიც, რომ ამ გუნდების გამარჯვების წინაპირობა მნიშვნელოვანწილად განსაზღვრა იმ ფაქტმა, რომ მათი დიდი ნაწილი სწავლის გაგრძელებას სწორედ თსუ-ის ზუსტ და საბუნებისმეტყველო მეცნიერებათა ფაკულტეტზე აპირებს“.

„დიდი მადლობა ყველას, ვინც საშუალება მოგვცა მონაწილეობა მიგველო ასეთ საინტერესო ღონისძიებაში. ვიქტორინაში მონაწილე ყველა გუნდი კარგად მომზადებული და ორგანიზებული იყო. ასეთი სახის კონკურსები მიღებული ცოდნის შეფასებასა და განმტკიცებაში დაგვეხმარება“, — განაცხადა თბილისის 51-ე საჯარო სკოლის გუნდის კაპიტანმა ნინო ყვებერაშვილმა.

გამარჯვებულებს სიგელები და სამახსოვრო საჩუქრები თსუ-ის რექტორმა ალექსანდრე კვიციანიშვილმა გადასცა.

ვიქტორინის ორგანიზებასა და მსვლელობაში მონაწილეობდნენ, აგრეთვე, თსუ-ის ზუსტ და საბუნებისმეტყველო მეცნიერებათა ფაკულტეტის სამეცნიერო სამსახურის თანამშრომლები: თამარ ჭელიძე და ხათუნა კახიანი. ღონისძიების ორგანიზებაში აქტიურად იყვნენ ჩართულნი გეოგრაფიის, ბიოლოგიისა და ფიზიკის მიმართულების ბაკალავრიატისა და მაგისტრატურის სტუდენტები: ნათია აკობია, თონა გეგელიძე, გიორგი გულაშვილი და სხვები.

წიგნის თარო

ახალი სამეცნიერო კრებულების პრეზენტაცია იურიდიულ ფაკულტეტზე

საკორპორაციო სამართალი და ქართული სამართლის ისტორია სამართლის ის მიმართულებებია, რომელთა შესახებაც სამეცნიერო კვლევების რაოდენობა დიდი არ გახლავთ. საქართველოში არ გამოცემულა სამეცნიერო კვლევითი ფუნდამენტური ნაშრომები, რაც აღნიშნული საკითხებით დაინტერესებულ მეტი ინფორმაციის მიღებისა და ცოდნის გაღრმავების შესაძლებლობას მისცემდა. თუმცა, 10 თებერვალს, იურიდიული ფაკულტეტის დაარსების საზეიმო თარიღის აღსანიშნავად გამართულ ღონისძიებაზე თსუ-ის იურიდიულმა საზოგადოებამ 2 ახალი წიგნის პრეზენტაცია გამართა. ფაკულტეტის დეკანის ირაკლი ბურდულაძის რედაქტორობით მომზადებული „საკორპორაციო სამართლის კრებული“ და პროფესორ გიორგი დავითაშვილის მონოგრაფია „დანაშაული და სასჯელი ქართულ ჩვეულებით სამართალში“ მნიშვნელოვნად ავსებს იმ ხარვეზს, რომელიც დღემდე სამართლის ადინიშნულ მიმართულებებში არსებობდა.

ნატო მობლაქაძე

„ბატონმა გიორგიმ ფუნდამენტალური ნაშრომი დაწერა ქართული ჩვეულებითი სამართლის დარგში. ძალიან ბევრი სამეცნიერო კვლევა დაწერილია დღემდე ამ მიმართულებით, მაგრამ ასეთი სრულყოფილი ნაშრომი ქართულ სინამდვილეს არ ახსოვს. თსუ-ის იურიდიულ ფაკულტეტზე ყოველწლიურად ხდება მონოგრაფიების პრეზენტაცია, რაც ძალიან მნიშვნელოვანია. პოსტ-საბჭოთა სივრცეში საქართველო ერთადერთი ქვეყანაა, რომელმაც ამ მხრივ წინ წაიწია და, თამამად შეიძლება ითქვას, რომ სამართლებრივი აზროვნების სტილით ევროპის ბევრ ქვეყანას უსწორებს თვალს.“

რაც შეეხება კორპორაციულ სამართალს, მინდა აღვნიშნო, რომ საქართველოში, როდესაც სამოქალაქო კოდექსზე მუშაობა უნდა დაწყებულიყო, სასწრაფოდ მივიღეთ კანონი მენარმეთა შესახებ, რაც საბაზრო ეკონომიკის განვითარებისათვის აუცილებელი იყო. ალბათ ამახსოვრდება, რომ შემდეგ ყველაზე მეტი ცვლილება სწორედ მენარმეთა შესახებ კანონში შევიდა. დღეს ამ დარგში უკვე ცალკეული მიმართულებები გამოიყო და საუკეთესო მონოგრაფიები იწერება. ვითარდება კერძო სამართლის, საკორპორაციო სამართლის სკოლები. მინდა, მივულოცო ბატონ ირაკლი ბურდულას „საკორპორაციო სამართლის კრებულის“ გამოცემა, ასევე, იმ ახალგაზრდებსაც, რომელთა ნაშრომებიც კრებულში შევიდა, — ასე შეაფასა ახალი სამეცნიერო ნაშრომები იურიდიული ფაკულტეტის პროფესორმა ბესარიონ ზოიძემ.

„საკორპორაციო სამართლის კრებული“ სამართლის მეცნიერების ახალგაზრ-

და მკვლევართა აკადემიური სტატიების ნაკრებია. მასში შესულია აკაკი ქირიას — „საკორპორაციო სამართლის სისტემა საქართველოში“; ნიკოლოზ გულაშვილის — „კორპორაციული საფარველის გაჭოლვა, როგორც კრედიტორთა დაცვის განსაკუთრებული ღონისძიება მშობელ-შვილობილ კომპანიათა ურთიერთობის კონტექსტში“ (აშშ-სა და ქართული საკორპორაციო სამართლის მიხედვით); დავით მაისურაძის — „სამენარმეო განსჯის წესი საკორპორაციო სამართალში“ (აშშ-სა და საქართველოს სამართლის მაგალითზე); სალომე რობაქიძის „ინსაიდერული ინფორმაციის ბოროტად გამოყენებით დადებული გარიგებები და კერძო-სამართლებრივი შედეგები“ და გიორგი მახარობლიშვილის — „საკორპორაციო-სამართლებრივ კომბინაციათა თავისებურებანი სანარმოთა შერწყმის პროცესში“. კრებული საკორპორაციო, საბანკო და ეკო-

ნომიკური სამართლის საზოგადოების ეგიდით გამოიცა, რომელსაც ირაკლი ბურდული ხელმძღვანელობს. საზოგადოების მიზანი საკორპორაციო სამართლის მიმართულებით სამეცნიერო კვლევების განხორციელება და ამ პროცესში ახალგაზრდა მკვლევარების აქტიური ჩართვა გახლავთ.

„მინდა გითხრათ, რომ ეს ინსტიტუტი არსად არის დაფიქსირებული. იგი ერთგვარი შიდა საზოგადოების ნაირსახეობაა. ჩვენთვის მთავარია, სამართლის ამ მიმართულებით უფრო მეტი და ხარისხიანი სამეცნიერო კვლევები განვახორციელოთ. განსაზღვრული გვაქვს, გამოვცეთ „საკორპორაციო სამართლის კრებულის“ III ტომიც. დაახლოებით განერილი გვაქვს ის საკითხები, რომლებიც მასში იქნება მოცემული. მეორე ნაწილი რომ უკეთესი გამოვიდეს, გვინდა უფრო მეტი ახალგაზრდა მკვლევრები შემოვიკრიბოთ“, — განაცხადა თსუ-ის იურიდიული ფაკულტეტის დეკანმა ირაკლი ბურდულმა.

„საკორპორაციო სამართლის კრებული“ საქართველოში გამოცემული პირველი წიგნია, რომელშიც საკორპორაციო სამართლის თანამედროვე და აქტუალური საკითხებია განხილული. თუმცა არანაკლები მნიშვნელობისაა წიგნი „დანაშაული და სასჯელი ქართულ ჩვეულებით სამართალში“. ნაშრომი ქართული სამართლის ისტორიის ყველაზე ფუნდამენტური სამეცნიერო კვლევა გახლავთ. პროფესორი გიორგი დავითაშვილი მასზე, დაახლოებით, 6 წლის მანძილზე მუ-

შაობდა. პროფესორმა კვლევა XIX საუკუნის მეორე ნახევრისა და XX საუკუნის ქართული ეთნოგრაფიული მასალების საფუძველზე განახორციელა და იგი შეეხება დანაშაულისა და სასჯელის ინსტიტუტის ისეთ საკითხებს, როგორცაა დანაშაულის სახეების კლასიფიკაცია, დანაშაულში თანამონაწილეობა, დანაშაულის სუბიექტი, სასჯელთა სახეები და მიზნები, სისხლის აღების ტრადიცია და სხვა. ნაშრომში, ასევე, გამოყენებულია სხვადასხვა არქეოლოგიური ექსპედიციის შედეგად მოპოვებული და დღემდე გამოუქვეყნებელი საარქივო მასალა.

„ჩემი ნაშრომი იმ საქმიანობის გაგრძელებაა, რომელიც იურიდიულმა საზოგადოებამ 80-იან წლებში პროფესორ მიხეილ კეკელიას ხელმძღვანელობით მამოინყო. მეც მისი მონაწილეობით და მის მიერ ორგანიზებულ ექსპედიციებშიც ვიღებდი მონაწილეობას. ამ ექსპედიციების შედეგად საქართველოს სხვადასხვა კუთხეში, ქართულ ჩვეულებით სამართალთან დაკავშირებით, ძალიან ბევრი უნიკალური მასალა ჩაინერა. ჩემი სამეცნიერო კვლევა სწორედ ამ ინფორმაციის საფუძველზეა შესრულებული. ნაშრომი XIX საუკუნის მეორე ნახევრის და მთლიანად XX საუკუნის ქართული ჩვეულებით სამართლის შესახებ არსებულ ეთნოგრაფიულ მონაცემებს ეფუძნება. მათი დიდი ნაწილი გამოუქვეყნებელი საარქივო მონაცემებია, რაც, ჩემი აზრით, ძალიან მნიშვნელოვანია“, — აღნიშნა პროფესორმა გიორგი დავითაშვილმა.

სამეცნიერო ნაშრომების „საკორპორაციო სამართლის კრებულისა“ და „დანაშაული და სასჯელი ქართულ ჩვეულებით სამართალში“ პრეზენტაცია თსუ-ის ადმინისტრაციის წარმომადგენლები და პროფესორ-მასწავლებლები დაესწრნენ. ახალი სამეცნიერო მონოგრაფიების გამოცემა ავტორებს თსუ-ის რექტორმა ალექსანდრე კვიციანიშვილმა მიულოცა. მან აღნიშნა, რომ თსუ-ის იურიდიული ფაკულტეტი საქართველოში ყველაზე ძლიერი სამართლის სკოლაა, რაზეც მისი სტუდენტების წარმატება და პროფესორის აქტიური სამეცნიერო-კვლევითი საქმიანობაც მეტყველებს.



პროფილი

მეცნიერებით განმტკიცებული ქიმიკოსის პროფესია

ჭაჭაჭაძის გამზირზე, თბილისის სახელმწიფო უნივერსიტეტის II კორპუსის ახლომხედობის ხშირად შეხვედრით ადამიანს, რომელიც ახალგაზრდებთან საუბარსა და მსჯელობაში ხშირად არის გართული...

უნივერსიტეტებში იციან, რომ ეს თბილი და ყურადღებიანი ადამიანი თბილისის სახელმწიფო უნივერსიტეტის პროფესორი მიხეილ გვერდნიძეა — ლექტორი, რომლის ლექციებიც არასოდეს სრულდება განსაზღვრულ დროში — გრძელდება შესვენებებზეც, ქუჩაშიც და სახლშიც, ყველგან, სადაც კი მისი რჩევა, კონსულტაცია ან მხარდაჭერა სჭირდება ვინმეს.

იგი სულ ახლახან 60 წლის გახდა.

ბატონი მიხეილის პროფესიული ღირსებებისა და პროფესიონალიზმის შეფასებას მისი კოლეგები უკეთ ახერხებენ, ამიტომაც პირველად სწორედ მათ მიულოცეს დამსახურებულ პედაგოგსა და მეგობარს საიუბილეო თარიღი. იმ გულწრფელ სიტყვებს შორის, რომელიც მიხეილ გვერდნიძისადმი მიძღვნილ წერილში იკითხება, არის აბზაცი, რომელიც ზუსტად გამოხატავს ამ ადამიანის ცხოვრებისეულ კრედოს — იყოს ადამიანი ადამიანთა შორის. კოლეგები წერენ: „უპირველეს ყოვლისა, ბატონი მიხეილი ახალგაზრდა თაობის შესანიშნავი აღმზრდელია. დღეს იშვიათად ნახავთ ადამიანს, რომელსაც ასე გულთან მიჰქონდეს ახალგაზრდა კაცის ნებისმიერი გასაჭირი. ეს თვისება მას განსაკუთრებით უხვად აქვს მომადლებული. ამ სტრიქონების ავტორებს კარგად ახსოვთ, თუ რამდენი ახალგაზრდისთვის გაუნვდია მას დახმარების ხელი წლების მანძილზე. მას შეუძლია ხანგრძლივი დროის განმავლობაში უანგაროდ ამეცადინოს და კონსულტაცია გაუწიოს სტუდენტს ქიმიამი, მათემატიკაში, ფიზიკაში, უცხო ენაში...“

წერილს, კოლეგების სახელით, ხელს აწერენ თსუ-ის ზუსტ და საბუნებისმეტყველო მეცნიერებათა ფაკულტეტის ქიმიის მიმართულნი პროფესორი შოთა სამსონია და ასოცირებული პროფესორი გიორგი ჩაჩავა. სწორედ მათ გვერდით უხდება მოღვაწეობა ზუსტ და საბუნებისმეტყველო ფაკულტეტის ზოგადი, არაორგანული და მეტალორგანული ქიმიის მიმართულნი პროფესორის მიხეილ გვერდნიძის, რომელთან ინტერვიუც ისეთივე სისადავითა და თავმდაბლობით გამოირჩევა, როგორც თავად ბატონი მიხეილია.

მამის აჩრდილი...

მიხეილ გვერდნიძის ცნობილი ქართველი მეცნიერის, აკადემიკოს ილია გვერდნიძის ოჯახში გაიზარდა. ბატონი ილია წლების განმავლობაში ხელმძღვანელობდა თბილისის სახელმწიფო უნივერსიტეტის ორგანული ქიმიის კათედრას, იყო მრავალი სამეცნიერო ნაშრომისა და მონოგრაფიის ავტორი, ბრწყინვალე პედაგოგი და ორგანიზატორი.

ბატონი მიხეილი მამის ხსოვნას ახლაც მონივნებით მიეახლება და იხსენებს: „ოჯახში ოთხნი ვიყავით: დედა, მამა, ბებო და მე... სიმშვიდე, სიწყნარე სუფევდა. დედა — გალინა გრებუნკოვა გეოლოგი გახლდათ და ერთი პერიოდი პედაგოგად მუშაობდა, მაგრამ ჩემი გაჩენის შემდეგ მამის სურვილს დაჰყვა და მხოლოდ ჩემი აღზრდით იყო დაკავებული. მამა მთლიანად სამეცნიერო და საუნივერსიტეტო საქმიანობაში იყო გადართული. სახლში თითქმის ვერ ვხედავდით. იგი ასკეტური ბუნების ადამიანი გახლდათ, მეტად სერიოზული და სამართლიანი, იმდენად მომთხოვნი, რომ მასხოვს, როცა უნივერსიტეტის ქიმიის ფაკულტეტზე ჩავირიცხე და მის საგანში გამოცდა დამინიშნეს, თავად არ ჩაიბარა, ჩემთვის ცალკე შექმნა კომისია. მამას ემოცია ნაკლებად ემჩნეოდა. მე მხოლოდ მამის მიხედვით, რომ მას სიყვარულის გამომჟღავნება შეეძლო, როცა დავინახე, როგორ ეფერებოდა ჩემს შვილს. სამაგიეროდ, მისი დამსახურება იყო, რომ ჩვენს ოჯახში ადამიანური და პროფესიული ღირებულებები ყოველთვის მაღლა იდგა — ერთმანეთის პატივისცემა, უფროსებისადმი მოკრძალებული დამოკიდებულება, შრომის სიყვარული მისი დამკვიდრებული იყო და ეს ტრადიცია ინერციით შემდეგ ჩემს ოჯახშიც გაგრძელდა — მეც ასე გავზარდე ჩემი შვილები“...

სწორედ მამის დამსახურება იყო, რომ ბატონი მიხეილს პროფესიის არჩევა არ გასჭირვებია. თბილისის 55-ე სკოლის ოქროს მედალზე დამთავრების შემდეგ ის უნივერსიტეტის ქიმიის ფაკულტეტის სტუდენტი გახდა. თუმცა მანამდე მას სკოლის პედაგოგებისადმი მაღლიერების გამოხატვაც არ

ავიწყდება და თანაკლასელებსაც სიყვარულით იხსენებს.

ბარემო, რომელიც „სხვაგვარი“ ვერ გაიზრდებოდა...

„ისეთი მასწავლებლები და თანაკლასელები მყავდა, სხვაგვარი ვერც ვიქნებოდი...“ — ამბობს ბატონი მიხეილი და განსაკუთრებული პატივისცემით იხსენებს ქიმიის მასწავლებლებს: ლილი ლორთქიფანიძეს და გოგუცა ბურჯანაძეს... მათ მიერ გაღვივებული ცოდნის ნაპერწკალი ბატონი მიხეილს დღესაც ათბობს და აღნიშნავს, რომ სკოლის სამეცნიერო, სადაც ახალგაზრდამ თავისი მომავალი პროფესიის კონტურები უნდა გამოკვეთოს. მის სკოლაში ეს სამეცნიერო, როგორც ჩანს, მართლაც არსებობდა, რადგანაც თურმე სკოლის დამთავრებისას, 1968 წელს, თბილისში გაცემული 69 ოქროს მედალიდან 13 მის კლასში გადანაწილდა. „ეს იყო გასაოცარი შედეგი. მათ შორის კი, ვისი სწავლის შედეგად ოქროს მედალით შეფასდა, მეც გახლდით. არაჩვეულებრივი მეგობრები მყავდნენ, მათ შორის, დღეს უკვე ცნობილი პროფესორები: თამაზ არეშიძე, პავლე მაჭავარიანი, მალხაზ კვანჭილაშვილი და სხვები. სხვათა შორის, ნიჭიერთა ათწლეუმი გადასვლამდე ჩვენთან სწავლობდა ჩვენი საამაყო პიანისტი — ლექსო თორაძე.“

ძალზე თბილ გარემოში გაიზარდა. ჩემს გარშემო იყვნენ ნესიერი, ღირსეული ოჯახები და ოჯახის შვილები. ასე რომ, სხვაგვარად ცხოვრების უფლება არც მე მქონდა“, — გვითხრა ბატონმა მიხეილმა.


უნივერსიტეტი...

თბილისის სახელმწიფო უნივერსიტეტის ქიმიის ფაკულტეტზე პირველივე წელს ჩააბარა. 1974 წელს, როგორც წარჩინებული კურსდამთავრებული, იგი სწავლის გასაგრძელებლად მიავლინეს მოსკოვში, ელექტროქიმიის ინსტიტუტის ასპირანტურაში, სადაც დიდი ქართველი ფიზიკოსის, რევაზ დოლონაძის ხელმძღვანელობით დაიცვა საკანდიდატო დისერტაცია. ბატონი მიხეილი დღესაც უდიდესი სიყვარულით და პატივისცემით იგონებს თავის აღმზრდელ მასწავლებელს. მისი დაახასიათებით, რევაზ დოლონაძე იყო უაღრესად განათლებული, თავისი საქმის ბრწყინვალე მცოდნე, არაჩვეულებრივი ადამიანური თვისებებით შემკული პროფესორი, რომელმაც გადამწყვეტი როლი შეასრულა მიხეილ გვერდნიძის მეცნიერულ აღმასვლაში.

1993 წელს მან წარმატებით დაიცვა სადოქტორო დისერტაცია. 1994 წლიდან მიენიჭა პროფესორის წოდება. 1995 წლიდან არის ნიუ-იორკის აკადემიის წევრი, ამავე წელს მიენიჭა სოროსის ასოცირებული პროფესორის წოდება. 2011 წელს კი ამერიკის ქიმიური საზოგადოების წევრად აირჩიეს.

ბატონი მიხეილი არის საქართველოში მათემატიკური ქიმიის სკოლის ფუძემდებელი. მისი ხელმძღვანელობით ამ სფეროში დაცულია 2 სადოქტორო და 5 საკანდიდატო დისერტაცია. იგი არის ყურნალ „თსუ შრომების“ რედაქტორის მოადგილე, „საქართველოს ქიმიური ყურნალის“ ერთერთი დამფუძნებელი და რედაქციის წევრი. ამავე დროს იგი არის საქართველოს ყურნალის ფედერაციის წევრი და ამ მიმართულებით გამოქვეყნებული აქვს 100-ზე მეტი უბელისტიკური წერილი და გამოცემული აქვს 40 კრებული.

„წლების მანძილზე ბატონი მიხეილი იყო თბილისის სახელმწიფო უნივერსიტეტის დიდი სამეცნიერო საბჭოს წევრი, ქიმიის ფაკულტეტის დეკანის მოადგილე, ქიმიის დეპარტამენტის დირექტორი, საქართველოს ქიმიკოსთა საზოგადოების პრეზიდენტის წევრი. ყველა ზემოაღნიშნულ თანამდებობაზე



მუშაობისას იგი დიდი გულსხმიერებით და პირნათლად ასრულებდა მასზე დაკისრებულ მოვალეობას. ამავე დროს იგი რამდენიმე საგრანტო პროექტის ავტორი და მონაწილეა.

მიხეილ გვერდნიძეს გამოქვეყნებული აქვს 500-ზე მეტი მეცნიერული შრომა ქიმიის, მათემატიკის, ბიოლოგიის, ფსიქოლოგიის და ინგლისური ენის სფეროში. იგი არის 102 წიგნის (მათ შორის 6 ძირითადი და 20 დამხმარე სახელმძღვანელო), 4 სალექციო კურსის, 4 ბიბლიოგრაფიის, 15 მონოგრაფიის ავტორი. ორ სხვა ქართველ ქიმიკოსთან ერთად ბატონი მიხეილი ქიმიის დარგში პირველი საყმაწვილო ენციკლოპედიის თანაავტორია, რომელმაც დიდი მონაწილეობა და აღიარება ჰპოვა“, — აღნიშნულია მისი კოლეგების წერილში. თავად ბატონი მიხეილი კი სამეცნიერო მუშაობის ამ მეტად დატვირთულ წლებს და წარმატებებს უნივერსიტეტის ქიმიის ფაკულტეტს, პროფესორ-მასწავლებლებსა და კოლეგებს უმადლის.

„ჩემი სტუდენტობისას თბილისის სახელმწიფო უნივერსიტეტის ქიმიის სკოლა ძალიან მაღალი დონის იყო. აქტიური სტუდენტური ცხოვრება გვექონდა... ტარდებოდა სამეცნიერო კონფერენციები, ექსკურსიები... გვყავდა ბრწყინვალე ლექტორები, მაგალითად, ვიქტორ კოკოჩაშვილი — უნიკალური პიროვნება — ენციკლოპედიური განათლებით და ბრწყინვალე პედაგოგიური თვისებებით; გიორგი ციციშვილი, რომელიც ასევე ძალიან კარგად დაგვამასხოვრდა. მინდა გითხრათ, რომ მოსკოვის ასპირანტურაშიც დიდი ქიმიკოსები მასწავლიდნენ, მაგრამ არც სამეცნიერო დონით და არც პედაგოგიური პრაქტიკით, ჩვენი უნივერსიტეტის ლექტორები მათ არ ჩამოუვარდებოდნენ“, — იხსენებს ბატონი მიხეილი.

სამეცნიერო რანგში აყვანილი ბატონი

მიხეილ გვერდნიძის არანაკლები წარმატებით მოღვაწეობს მეცნიერების სხვა დარგებშიც. კერძოდ, იგი არის სოციალური ფსიქოლოგიის საზოგადოების წევრი და ამ მიმართულებით პუბლიკაციებიც აქვს გამოქვეყნებული. მუშაობს ტოპოლოგიაში — გრაფების თეორიაში და ამ სფეროშიც რამდენიმე სერიოზული და ყურადსაღები ნაშრომით არის ცნობილი.

და მაინც, ყველა ამ რეალიისა და წარმატების უკან ყველაზე მნიშვნელოვანი — მიხეილ გვერდნიძის პროფესიული ღირსებები დგას. ის არის პედაგოგი, მრჩეველი, მასწავლებელი და სტუდენტების დიდი მეგობარი. ჩვენს კითხვაზე: — არის თუ არა სწავლების მისივე მეთოდი სტუდენტთა წარმატების საფუძველი, გვპასუხობს, რომ მას ახალგაზრდებთან ასეთი დამოკიდებულება მისმა პედაგოგებმა ასწავლეს. „ვედილობ, მივბაძო ჩემს მასწავლებლებს, რომლებიც სკოლასა და უნივერსიტეტში მყავდა. მათთან შედარებით ჩემი მცდელობა ალბათ უსუსურია, მაგრამ ამ მცირე ძალისხმევასაც კი მოჰყვება ხოლმე ჩემი სტუდენტების მხრიდან სიყვარული და პატივისცემა. რაც მთავარია, მე ამას ვგრძნობ და ასეთივე პატივისცემით ვპასუხობ, ოღონდ ეგაა, ცოტა გული მეთანადრება იმაზე, რომ ქიმიის და საბუნებისმეტყველო საგნებისადმი სიყვარული ცოტა ახალგაზრდას მოჰყვება სკოლიდან. ის თაობა, რომელიც ქიმიის შესასწავლად მოდის უნივერსიტეტში, სამწუხაროდ, მწირი საბაზისო ცოდნითაა

შეიარაღებული და ჩვენ სასკოლო ქიმიის სწავლებაში ვკარგავთ დროს. ბაკალავრიატის კურსდამთავრებული დღეს აღარ არის იმ დონისა, რაც ადრინდელ დიპლომირებულ სპეციალისტს ჰქონდა, რადგანაც პირველი ორი წელი, სამწუხაროდ, ჩვენ სკოლის ხარვეზების გასწორებას ვუნდებით. მაგალითს გეტყვი: ორ თანაავტორთან ერთად გამოვეუშე საყმაწვილო ენციკლოპედია ქიმიამი. რამდენიმე წლის წინ IV კურსელებს ვთხოვე, გადაეხედათ მისთვის. გასაოცარი პასუხი მივიღე — ბევრი რამ ვერ გავიგეთო... წარმოიდგინეთ, რომ ეს წიგნი სკოლის მოსწავლეთა მისთვის იყო განკუთვნილი...“ — ამბობს იგი და მიხედავს, სკოლაში წლების განმავლობაში შექმნილ ცოდნის ვაკუუმთან ერთად, დასაქმების მცირე პერსპექტივასაც ასახელებს: „ჩვენი გაზრდილები აქ ადვილს ვერ პოულობენ და უცხოეთში საკმაოდ წარმატებულები არიან. ხშირად მისაუბრია სტუდენტებთან ამ საკითხზე და თითქმის ყველას ერთი პოზიცია აქვს — დავამთავრე ქიმიის ფაკულტეტი, მერე რა? გამოყენებით ქიმიას კიდევ ეშვება რაღაც, მაგრამ თეორიულ ქიმიასა და, ზოგადად, ფუნდამენტურ მეცნიერებას ძალზე ბუნდოვანი მომავალი აქვს. მათემატიკოსებთან უკეთესი მდგომარეობაა — მათემატიკოსს ლაბორატორია მხრებზე ადგას. მათი ლაბორატორია ქალაქი, კალამი და გონებაა, საბუნებისმეტყველო საგნებში კი, სადაც ლაბორატორიის გარეშე არაფერი გამოვა, ცოტა მოვიკოჭლებთ. ტრადიციულად ასე იყო — ყველაზე ძლიერი ქართული ქიმიკოსი მათემატიკაში, ფსიქოლოგიაში და სოციალურ მეცნიერებებში იყო. რატომ? იმიტომ, რომ ფუნდამენტურ მეცნიერებებში ქართველი კაცის ნიჭი იყო წარმართული და არა ფინანსები“, — გულსტიკვილით აღნიშნავს მიხეილ გვერდნიძის, თუმცა იმედს გამოთქვამს, რომ უნივერსიტეტი დაძლევეს პრობლემებს და მალე გააუმჯობესებს მათემატიკურ-ტექნიკურ ბაზას იმ დონეზე, რომ ქართველ მეცნიერებს ყველაზე რთული ცდების ჩატარებაც აღარ გაუჭირდებათ. „ყველაზე მეტად მაინც ის მიხარია, რომ ჩვენს ფაკულტეტზე წლების განმავლობაში დანერგილი ურთიერთ-პატივისცემა და კოლეგიალობა ინერციით გრძელდება. ურთულესი წლები გავიარეთ და მიზერულ ხელფასზე ვიცხოვრებთ. რაკი ეს სიძნელები ერთიანობით გადავიტანეთ, სხვა პრობლემებსაც ერთად დავძლეეთ“, — ამბობს მიხეილ გვერდნიძე.

ტრადიცია

ილია გვერდნიძის ტრადიციას მიხეილ გვერდნიძის ოჯახი აგრძელებს. მისი მეუღლე, ქალბატონი მარეხიცი ქიმიკოსია და უნივერსიტეტში მუშაობს, ასევე ქიმიის დოქტორია ბატონი მიხეილის ვაჟი — ილია გვერდნიძე. მხოლოდ ქალიშვილმა, ეკატერინე გვერდნიძემ აუარა გვერდი ქიმიას, მაგრამ მამის სამეცნიერო გაცეცებებიდან შორს არც ის წასულა — იგი უნივერსიტეტის ფსიქოლოგიის დეპარტამენტის დოქტორანტა და პედაგოგიურ მუშაობას ეწევა.

სულ ბოლოს ბატონი მიხეილი შევილია, პატივს ცოტავე სურათს გვიჩვენებს და დარწმუნებით ამბობს: არ ვიცი, ცოტნე ქიმიის გზას ვაჰყვება თუ არა, მაგრამ ის კარგი და შრომისმოყვარე ადამიანი იქნება, რადგან ასეთია ჩვენი ოჯახის ტრადიცია. ასე გაიზარდნენ ჩემი შვილები და ასე იზრდება ცოტნეც...

მომზადდა მანია ტორაძემ



ესსეპის სტუდენტურ კონკურსში გამარჯვებულნი

ნათო მობლაძე

CABIR-ის (საერთაშორისო ურთიერთობების განვითარების პროექტი) კურსდამთავრებულთა საქართველოს საბჭომ ესსეპის კონკურსში გამარჯვებული სტუდენტები დააჯილდოვა. კონკურსი „ადამიანის უფლებები - 2011“, რომელიც, ამჯერად, ადამიანის უფლებათა ევროპული სასამართლოს თემაზე გაიმართა, თსუ-ში 2011 წლის 15 დეკემბერს გამოცხადდა და მასში მონაწილეობის მიღება ნებისმიერი ფაკულტეტის III და IV კურსის ბაკალავრებს, მაგისტრანტებსა და დოქტორანტებს შეეძლოთ. CABIR-ის კურსდამთავრებულები დაკომპლექტებულმა კომისიამ 20 სტუდენტის მიერ წარმოდგენილი ნაშრომებიდან 11 საუკეთესო გამოარჩია და გამარჯვებულნი სპეციალური სერტიფიკატებითა და საკანცელარიო ნივთებით დააჯილდოვა. როგორც ესეპის კონკურსის ორგანიზატორებმა აღნიშნეს, წინა წლებში ჩატარებული კონკურსებისგან განსხვავებით, ამჯერად მონაწილეთა მიერ წარმოდგენილი ნაშრომები გაცილებით პროფესიონალურად იყო დაწერილი. „რელიგიატური, სტრუქტურულად სწორად აგებული, ინფორმაციულად მდიდარი“ — ეს ის კრიტერიუმებია, რომელთა მიხედვითაც უილიამ გამარჯვებულები გამოვლინა.

თსუ-ის საერთაშორისო მიმართულების დოქტორანტი ნინო ფარსადანიშვილმა კონკურსზე ესეპ სახელწოდებით

ბით — „ადამიანის უფლებათა ევროპული სასამართლოს მიდგომა სიცოცხლის უფლებისადმი“ წარადგინა. ნაშრომი სიცოცხლის უფლების დაცვისადმი ადამიანის უფლებათა ევროპული სასამართლოს მიდგომას და იმ გარანტიებს მიმოიხილავს, რაც სიცოცხლის უფლების დაცვის კუთხით ევროპული კონვენციით არის გათვალისწინებული.

„კონკურსში მონაწილეობა საინტერესო იყო. კიდევ ერთხელ გადავხედე ადამიანის უფლებათა ევროპული სასამართლოს პრეცედენტულ სამართალს. ამ მიმართულებით გავირმავე ცოდნა. ჩემთვის ეს გამარჯვება ბევრს ნიშნავს, რადგან კიდევ ერთხელ შევფასე საკუთარი შესაძლებლობები. ჩემს ნაშრომში სასამართლოს პრეცედენტული სამართლის გაანალიზებასთან ერთად აისახა ევროპული სახელმწიფოების, კერძოდ: გერმანიის, საფრანგეთის, ავსტრიის, ნიდერლანდების და დანიის კანონმდებლობა სიცოცხლის უფლების დაცვის კუთხით. განსაკუთრებული ყურადღება დავუთმე საქართველოში არსებულ მდგომარეობასაც. საქართველოს კონსტიტუციის, სისხლის სამართლის კოდექსის, სამოქალაქო კოდექსისა და სხვა სამართლებრივი აქტების მიმოხილვასთან ერთად ყურადღება გავამახვილე დემოკრატიული მდგომარეობაზე და ამ მხრივ ბოლო წლებში გაუმჯობესებულ სტატისტიკურ მონაცემებზეც“ — გვითხრა ნინო ფარსადანიშვილმა.

CABIR-ის კურსდამთავრებულთა საქართველოს საბჭოს მიერ ორგანიზებული ესეპის კონკურსის თემა — ადამიანის უფლებათა ევროპული სასამართლო, სტუდენტებს საშუალება მისცა არაერთი აქტუალური საკითხის შესახებ ემუშავათ, გაეღრმავებინათ ცოდნა, ემსჯელათ და გაეანალიზებინათ ესა თუ ის პრობლემური თემა. მაგალითად, თსუ-ის იურიდიული ფაკულტეტის IV კურსის სტუდენტმა თინა საბაძემ ადამიანის უფლებათა ევროპული სასამართლოს პრეცედენტული სამართლის მიხედვით განჭვრეტადობის პრინციპი განიხილა.

„ადამიანის უფლებათა ევროპული სასამართლოს პრეცედენტული სამართალი შეიცავს მრავალ ისეთ საქმეს, რომელიც განჭვრეტადობის პრინციპზე დაყრდნობით გადნაწიდა. განჭვრეტადობის პრინციპის გათვალისწინებით ადამიანის უფლებათა ევროპული სასამართლო აფასებს, თუ რამდენად იყო ქვეყნის შიდა კანონმდებლობა განჭვრეტადი და ნათელი სუბიექტებისთვის. ადამიანის უფლებათა ევროპული სასამართლოს პრაქტიკა ამ მიმართულებით საკმაოდ მდიდარია, სასამართლოს მიერ განხილული საქმეები ცხადყოფს ამ პრინციპის მნიშვნელობას ეროვნული სახელმწიფოს ნორმატიული სფეროსთვის. პრეცედენტულმა სასამართლომ რამდენიმე ათეული წელია დაამკვიდრა საქმეების განხილვა თანაზომიერების და განჭვრეტადობის



ბის (foreseeable) პრინციპზე დაყრდნობით“, — წერს თინა საბაძე და აღნიშნული განაცხადის დამამტკიცებელ მაგალითებსაც განიხილავს. ადამიანის უფლებათა დაცვის ევროპული სასამართლოს დანიშნულების შესახებ მოგვითხრობს ესეპის კონკურსის ერთერთი გამარჯვებული, თსუ-ის იურიდიული ფაკულტეტის II კურსის სტუდენტი გულიკო რაზმაძე. „ძალიან მაინტერესებს ადამიანის უფლებების საკითხები. ამ კონკურსის თემა იმდენად ახლოს იყო ჩემთან, რომ მაშინვე გადაწყვიტე ეს-

სეს დაწერა. კონკრეტული საკითხი არ ამირჩევია, ნაშრომში ყველა ის ძირითადი სფერო განვიხილე, რაც ადამიანის უფლებათა ევროპულ სასამართლოს ეხება. სხვადასხვა წყაროები გამოვიყენე. ვფიქრობ, ამ კონკურსში გამარჯვებულ ბევრი რამ მომიტანა ცოდნის გაღრმავების მხრივ“, — გვითხრა გულიკო რაზმაძემ. აღსანიშნავია, რომ CABIR-ის კურსდამთავრებულთა საქართველოს საბჭოს მიერ ორგანიზებული ესეპის კონკურსში გამარჯვებულებმა გარდა იმ პრიზებისა, რომლებიც გადა-

ეცათ, შესაძლოა უფრო მნიშვნელოვანი საჩუქარიც მიიღონ. CABIR-ის კურსდამთავრებულთა საბჭო შევიცარიის განვითარებისა და თანამშრომლობის სააგენტოს ხელშეწყობით სტუდენტურ სამეცნიერო ღონისძიებებს აზერბაიჯანსა და სომხეთშიც მართავს. როგორც თინა მდივანმა ჩვენთან საუბრისას აღნიშნა, უახლოეს მომავალში რეგიონული ხასიათის პროექტების განხორციელება იგეგმება, რომლებშიც საშხრეთ კავკასიის სამივე ქვეყნის სტუდენტები მიიღებენ მონაწილეობას.

სტუდენტური მინიატურები

შურისხა ბაროშვილი

თამარ ლეჟავა თბილისის სახელმწიფო უნივერსიტეტში ჰუმანიტარულ მეცნიერებათა ფაკულტეტზე კლასიკური ფილოლოგიის მიმართულებით სწავლობს და თავისუფალ დროს მინიატურებს წერს. თავიდან თვლიდა, რომ წერა მისთვის ჰობი იყო და მხოლოდ თავისუფალ დროს იღებდა ხელს კალამს, მაგრამ შემდეგ მიხვდა, რომ გატაცება სერიოზულ საქმედ ექცა და ამის გარეშე არ შექმდო.

მის ცხოვრებაში პარადოქსებიც ხდება — კლასიკური ფილოლოგიის მიმართულებით სწავლობს, მაგრამ არქეოლოგია უფრო იტაცებს — ამის თაობაზე თავის ერთერთ მინიატურაში მოგვითხრობს. მას მოსწონს ძიება, წინააღმდეგობების გადალახვა, უყვარს აღმოჩენა და საქმიანი და სასარგებლო საქმის კეთება. აი, რას წერს ერთერთ მინიატურაში „არქეოლოგიური ექსპედიცია“: — „პალიასტომის ტბის წყალი, როგორც წესი, ამღვრეულია. ეს მუშაობაში ხელს გვიშლის, მაგრამ რადგან ნაპირთან იქვე, თხელ წყალში ვდგავართ, მაინც კარგი შედეგი გვაქვს. წყალი მუხლამდე ძლივს გვწვდება. ტბის ფსკერი მოფენილია კერამიკის ფრაგმენტებით, ზოგიერთი მათგანი კი წყლის პატარა ბინადრების ნიჟარებია და ფარული. ჩვენ ვაგროვებთ მათ ნაპირთან და საღამოობით ავტობუსით ბაზაზე მივავაქვს; იქ კი ყოველდღიურად ხდება მათი განმეორება და დახარისხება. თითოეული ფრაგმენტი ძალიან ძვირფასია, ამიტომ დიდი ყურადღებას საჭირო. სპეციალური ხელსაწყოების საშუალებით ვწმენდთ, ვრეცხავთ და ვაშრობთ. შემდეგ ხდება მათი ტიპოლოგიური დაჯგუფება და ამგვარად გამოხატული მასალის ჩახატვა და ფოტოგრა-

ფირებაც აუცილებელია. თითოეულ საეტაპო საშუალებაში სტუდენტები ვმონაწილეობთ. ერთი თვეც თითქმის მიილია ამგვარ ყოფაში, წვიმიანი გამოდგა წლებიდან დღეობის ფოტოში, რამაც ძალიან შეგვიშალა ხელი. ტბაში აღმოჩენილი კერამიკა, ძირითადად, რომაული პერიოდისაა. ხელთ გვაქვს უამრავი საინტერესო არტეფაქტი, კარგი სტუდენტური პრაქტიკა და მხიარული ექსპედიციური საღამოები. იშვიათი სტუდენტური ავგისტო იყო — მხიარული, საქმიანი და სასარგებლო...“



აღბათ ამიტომ, გასაკვირი არ არის, რომ თამარ ლეჟავა მომავალში ამ მიმართულებით აპირებს სწავლის გაგრძელებას სამაგისტრო და სადოქტორო პროგრამებზე. ამ სფეროში წარმატებას რომ მიიღწიოს, უცხო ენებს: ლათინურს, ძველბერძნულს, იტალიურ და ინგლისურ ენებს ეუფლება. ლიტერატურულ კონკურსებში მონაწილეობა ჯერ არ მიუღია, უნივერსიტეტის ეგვიდით გამართულ „შემოდგომის ლეგენდებში“ იმეტომ

ვერ მიიღო მონაწილეობა, რომ მაშინაც არქეოლოგიურ ექსპედიციაში იმყოფებოდა, მაგრამ მომავალში ამ „შეცდომასაც“ გამოასწორებს. რაც შეეხება წიგნის გამოცემას, თვლის, რომ ამაზე საუბარი ჯერ ადრეა, რადგან ნამდვილ მწერლობამდე დიდი და რთული გზაა...

მისი მინიატურები უშუალო შთაბეჭდილებებით არის ნაკარნახევი. ჩვეულებრივი სტუდენტური ცხოვრება აქვს: ჰყავს ბევრი მეგობარი, რომლებთან ერთად თავისუფალ დროს შინაარსიანად ატარებს. განსა-



სტიპენდია ავიღეთ. როცა ეს ხდება, ერთად ვსხდებით და ლუდს ვსვამთ, უკვე ტრადიციულად. თუ მასია, მზოურ-ნი ვსხდებით, თუ იანვარი — სადმე მუდრო ბარში. ჰოდა, მარამი ამბობს: — მოდი, ლუდს თავი დავანებოთ და კინოს სახლი წავიღებთ, ამ საღამოს ფედერიკო ფელინის რომელიღაც ფილმს აჩვენებენო. ჰო, მართლა, ჩვენ კინოს სახლიც ძალიან გვიყვარს, კარგ ფილმებს ვუყურებთ ხოლმე სულ რაღაც ერთ ღამე! უსახსრო სტუდენტთა საქმეა პირდაპირ! მაგრამ დღეს ჩვენ უსახსრო სტუდენტები არ ვართ, პრეზიდენტის სტიპენდია ორი საათის წინ დაგვერიცხა საკრედიტო ბარათზე. ამიტომ, ვიდრე კინოს სახლში წავალთ, ლუდსაც დავლევთ. მორჩა, გადამწყვეტილია... ლექციებიც დამთავრდა უკვე, ფხვით ჩაუყვავით ჭაჭაჭადის გამზირს...“

მისი საყვარელი მწერალი სერვანტესია, თვლის, რომ „დონ-კიხოტის“ მსგავსი წიგნი იშვიათად დაწერილია. ქართული მწერლებიდან კი გურამ დოჩინაშვილს გამოარჩევს. თამარი უცხოეთში — საბერძნეთში ან იტალიაში სწავლის გაგრძელებაზე ოცნებობს. გაცვლითი პროგრამის ფარგლებში კონკურსში მონაწილეობას გეგმავს. მანამდე კი თბილისში, ოჯახთან ერთად ცხოვრობს. როდესაც გამოცდები ეწყება, ბებია მის მონაწილეობას ჩაით და მურაბით უმასპინძლებდა და საინტერესო ამბებს უყვება, მისი ერთი მატყას ეხმიანება: „დღეს პრეზიდენტის სახელობის

„ხვალ კოლოკვიში მაქვს პალეოგრაფიაში. არ მინდა ცუდად დავწერო, მაგრამ კარგადაც რომ ვერ დავწერ, დაქტა. მორჩა, დღეს მანაგა-ექსი დაფურცავ და ჩემთან მოვიყვან, ერთად ვიმეცადინებთ. ბებია ჩაის დავვალეგინებს და მეათასედ მოგვიყვება შალვა ნუცუბიძემ რომ ზუთიანი დაუნერა სტუდენტობისას. ჩემს ოჯახში მე და ბებია თსუ-ის სტუდენტები ვართ, ისე გავინიცდის ყველა კოლოკვიმს და გამოცდას, სირცხვილი იქნება დიპლომში მართო ჩემი პარტილი რომ ეწეროს მოხელის. ისიც კი იცის, რომ ძველ ბერძნულ გრამატიკაში „მესამე კანკლელობა“ ჩემი უსუსტი წერტილი და როცა უსაქმოდ მხედავს ხოლმე, სულ მეუბნება — გადახედე ახლა იმ მესამე კანკლეობის სახელებსო. ბებია ძალიან კეთილი მოხელეა, მის დანაოჭებულ სახეს რომ ვუყურებ, გული სიყვარულით მეცხება ხოლმე.

მანამდე ძალიან უყვარს ბებიაჩემს, ასე ამბობს: კარგი და „მეცადინი“ ბავშვიაო. როცა მანამდე მყავს სტუმრად, ფეხაკრებთ დაის და თავის საფირმო ყოლოს ნამცხვარს გვიკეთებს, რათა მეცადინეობის შემდეგ გავიშა-სპინძლდეს. დღეს კარგად ვიმეცადინებთ, ყოლოს ნამცხვარიც მივირთვით... ბებია იმ-ესაა დაამთავრა შალვა ნუცუბიძის ამბავი. მანამდე წავიდა. ხვალ კარგად დავწერთ კოლოკვიუმს, იმედი...“

თამარი უშუალო გოგოა და ეს მის მინიატურებშიც იგრძნობა...

მთავარი რედაქტორი	ნინო კაკულია	რედაქციის ხელმძღვანელი:	მისამართი:
მთავარი სამცხალისტი	მაია ტორაძე	რისმაგ გორდენიანი, ნოდარ ბელქანი, იაგო კაჭკაჭიშვილი, ლადო მინაშვილი, ნინო ჩიხლაძე, თემურ ნადარეიშვილი, ნოდარ ხადური, მარინე ჩიტაშვილი, ვაჟა კიკნაძე, დინა ძიძიგური, ნანა ჭილაძე, თეა ჯუღელი	ილია ჭავჭავაძის გამზ. 11*
ტექნიკური რედაქტორი	მანანა ჯურხაძე		(თსუ-ის მე-3 კორპუსი)
ფოტოკომპოზიციონერი	ლიკა პეტრიაშვილი		
კომპიუტ. უზრუნველყოფა	ზაზა გულაშვილი		